



MØTEINNKALLING

Utval: Kommunestyret
Møtedato 08.12.2022
Møtetid: Kl. 09:00
Møtestad: Kommunestyresalen - kommunehuset

Varamedlem skal ikkje møta utan nærare innkalling

Forfall til møtet må meldast snarast råd til servicesenteret (tlf. 56 58 74 00 eller e-post postmottak@samnanger.kommune.no), som vil kalla inn varamedlem.

Me ber om at alle som kan vera ugilde i ei eller fleire saker på sakslista melder frå om dette til servicesenteret.

I byrjinga av møte held Vestland Fylkeskommune og Ola Mattson presentasjon om moglegheitar med fleirbrukshall

Knut Harald Frøland
ordførar

SAKLISTE

Saker til handsaming på møtet

Sak nr.	Arkivsak	Sakstittel	Merknad
068/2022	22/908	Godkjenning av innkalling og sakliste	
069/2022	22/908	Faste saker	
070/2022	22/107	Eigarskapskontroll - Overordna eigarskapsforvaltning - rapport	
071/2022	22/749	Eigarskapsmelding for Samnanger kommune	
072/2022	22/304	Økonomirapportering pr. oktober 2022	
073/2022	22/894	Høyringsvar til NOU 2022:10 inntektssystemet for kommunane	
074/2022	21/609	Evalueringsrapport om kommunestyrevedtak 02.12.2021 om stengingstid i skuleferiane i barnehage og SFO 2022	
075/2022	18/951	Søknad om straumstøtte til Eikedalen Skisenter vintersesongen 2022/2023	
076/2022	18/1050	Renovasjonsgebyr 2023	
077/2022	22/830	Betalingsgebyr 2023 - Gebyr og Avgifter	
078/2022	22/831	Budsjett 2023 for kyrkja	
079/2022	22/326	Budsjett og økonomiplan 2023- 2026	
080/2022	22/517	Godkjenning av møteplan for 2023	
081/2022	22/517	Ordning med høve til fjernmøte for folkevalde organ i Samnanger	
082/2022	20/497	Prioritering av spelemiddelsøknadar 2022	

Oversikt faste saker

- Godkjenning av innkalling og sakliste
- Eventuelle merknader til protokoll frå førre møte
- Orienterings-/referatsaker
- Utvalet sitt kvarter



SAKSFRAMLEGG

Sakshandsamar: Marianne Soleng	Arkivkode: FE-033
Arkivsaksnr: 22/908	Løpenr: 22/9746
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	08.12.2022	068/2022

Godkjenning av innkalling og sakliste

Rådmannen sitt framlegg til vedtak:

- Innkalling og sakliste vert godkjent.



SAKSFRAMLEGG

Sakshandsamar: Marianne Soleng	Arkivkode: FE-033
Arkivsaksnr: 22/908	Løpenr: 22/9747
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	08.12.2022	069/2022

Faste saker

Rådmannen sitt framlegg til vedtak:

- Orienterings-/referatsaker vert tekne til orientering.

Oversikt over faste saker:

Eventuelle merknader til protokoll frå førre møte.

Orienterings-/referatsaker.

Utvalet sitt kvarter.



SAKSFRAMLEGG

Sakshandsamar: Marianne Soleng	Arkivkode: FE-041
Arkivsaksnr: 22/107	Løpenr: 22/9593
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	08.12.2022	070/2022

Eigarskapskontroll - Overordna eigarskapsforvaltning - rapport

Kontrollutvalet sitt framlegg til vedtak:

1. Kommunestyret tek rapporten etter gjennomført eigarskapskontroll av overordna eigarskapsforvaltning til etterretning.
2. Kommunestyret ber rådmannen gjennomføre følgjande tiltak:
 - a) Utarbeide eigarskapsmelding og legge denne fram for kommunestyret
 - b) Utarbeide ein fast rutine på kva eigarskapsrelaterte saker som skal leggjast fram for kommunestyret, enten orienterings- eller vedtakssaker.
 - c) Utarbeide mandat og forventningar til kommunen sine valde representantar
 - d) Utarbeide kompetanse- og erfaringsutgreiing som grunnlag for å velje representantar til selskapa sine eigarorgan
 - e) Vurdere behovet for å gjennomføre opplæring av valde representantar, og tilby opplæring på bakgrunn av behovet
3. Kommunestyret ber rådmannen rapportere status og eventuelt vidare arbeid med oppfølginga innan 16.01.2023.

Dokument som er vedlagt:

Sak til kommunestyret i Samnanger kommune - Vedtak Eigarskapskontroll - Overordna eigarskapsforvaltning - rapport
Vedtak Eigarskapskontroll - Overordna eigarskapsforvaltning - rapport
Saksframlegg med vedtak
BDO - Rapport om eierskapskontroll Samnanger kommune.pdf

Saksopplysningar:

Sekreteriatet til kontrollutvalet brukar eit anna saksbehandlingssystem enn Samnanger kommune. Sakspapira frå kontrollutvalet ligg difor vedlagt.



SAKSFRAMLEGG

Sakshandsamar: Jan Erik Boge	Arkivkode:
Arkivsaksnr: 22/749	Løpenr: 22/7817
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	10.11.2022	058/2022
Kommunestyret	08.12.2022	071/2022

Eigarskapsmelding for Samnanger kommune

10.11.2022 Formannskapet:

Handsaming i møtet:

Rådmannen sitt framlegg vart samrøystes vedteke.

FORM- 058/2022 Vedtak:

Rådmannen sitt forslag til eigarskapsmelding for Samnanger kommunen blir vedteke.

Heimel for vedtaket er kommunelova § 26-1.

Rådmannen sitt framlegg til vedtak:

Rådmannen sitt forslag til eigarskapsmelding for Samnanger kommunen blir vedteke.

Heimel for vedtaket er kommunelova § 26-1.

Dokument som er vedlagt:

Forslag til eigarskapsmelding for Samnanger kommune

Dokument som ikkje er vedlagt:

- Kommunelova (Lov 2018-06-22-83 om kommuner og fylkeskommuner)
- Prop 46 L (2017–2018) om Lov om kommuner og fylkeskommuner
- Kommentartutgave til kommuneloven 2018 (Kommuneforlaget, Overå og Bernt, 2019)
- Hefte frå KS – «Anbefalinger om eigerskap, selskapsledelse og kontroll»

Oppsummering:

Den nye kommunelova frå 2018 inneheld krav om at kommunestyret minst ein gong i valperioden skal vedta ei eigarskapsmelding. Denne meldinga skal mellom anna innehalda informasjon om kommunen sine prinsipp for eigarstyring, oversikt over selskap/føretak/andre verksemder kommunen har eigarinteresser i, og kommunen sitt føremål med eigarinteressene. Rådmannen har

no utarbeidd forslag til eigarskapsmelding.

Saksopplysningar:

Bakgrunn for saka:

Det går fram av § 26-1 i kommunelova at det minst ein gong i valperioden skal utarbeidast ei eigarskapsmelding som skal vedtakast av kommunestyret. § 26-1 regulerer også kva eigarskapsmeldinga skal innehalda.

Kravet om eigarskapsmelding kom inn i lovverket då den noverande kommunelova frå 2018 vart vedteken og iverksett. Det har ikkje tidlegare vorte utarbeidd eigarskapsmelding for Samnanger kommune. Rådmannen har no utarbeidd forslag til eigarskapsmelding.

Faktagrunnlag, problemskildring og moglege løysingar:

Faktagrunnlag

Ordlyden i § 26-1 i kommunelova er som følgjer:

§ 26-1. Eierskapsmelding

Kommuner og fylkeskommuner skal minst én gang i valgperioden utarbeide en eierskapsmelding som skal vedtas av kommunestyret eller fylkestinget selv.

Eierskapsmeldingen skal inneholde

- a. kommunens eller fylkeskommunens prinsipper for eierstyring
- b. en oversikt over selskaper, kommunale eller fylkeskommunale foretak og andre virksomheter som kommunen eller fylkeskommunen har eierinteresser eller tilsvarende interesser i
- c. kommunens eller fylkeskommunens formål med sine eierinteresser eller tilsvarende interesser i virksomhetene nevnt i bokstav b.

I forarbeida til kommunelova (Prop. 46 L 2017–2018) går det på side 317 fram meir detaljert kva typar selskap, føretak m.m. eigarskapsmeldinga skal innehalda informasjon om:

- aksjeselskap
- interkommunale samarbeid etter IKS-lova (lov om interkommunale selskap)
- samvirkeføretak
- kommunale oppgåvefellesskap
- vertskommunesamarbeid
- kommunale føretak

Det går også fram i forarbeida at stiftingar ikkje bør omfattast av eigarskapsmeldinga. Det går også fram i Kommentartutgave til kommuneloven 2018 (Kommuneforlaget, Overå og Bernt, 2019) at det ikkje er krav om at stiftingar skal takast med i eigarskapsmeldinga.

Jf. Prop 46 L 2017–2018 bør eigarskapsmeldinga innehalda «*kommunens overordnede prinsipper for eierstyring og prinsippene for eierstyringen av den enkelte enhet, formålet med den enkelte enhet samt en omtale av virksomheten i den enkelte enhet*».

Problemskildring

Mange kommunar har allereie utarbeidd og vedteke eigarskapsmelding. I arbeidet med forslag til eigarskapsmelding for Samnanger kommune, er det mellom anna sett på innhaldet i nokre av desse (Modalen, Rødøy og Moss). Det er relativt stor skilnad i korleis ulike kommunar har bygd opp eigarskapsmeldingane sine.

Samnanger kommune har eigarinteresser i ei rekke selskap, og er også med i ulike vertskommunesamarbeid, oppgåvefellesskap og andre avtalebaserte samarbeid. Rådmannen sitt forslag til eigarskapsmelding inneheld oversikt over dette, samt informasjon om kvart enkelt selskap/oppgåvefellesskap/samarbeid.

Rådmannen sitt forslag til eigarskapsmelding inneheld også forslag til prinsipp for eigarstyring, instruks for eigarrepresentantar m.m.

Rådmannen foreslår at frå og med valperioden 2023–2026 skal eigarskapsmeldinga gjennomgåast og reviderast av kommunestyret i løpet av det første heile kalenderåret i kvar valperiode, første gong i 2024. Rådmannen foreslår også at det etter kvart kommunestyreval skal gjennomførast opplæring i eigarstyring for folkevalde.

Uttalar frå andre:

Det er ikkje henta inn uttalar frå andre i samband med arbeidet med eigarskapsmeldinga.

Vurderingar og konsekvensar:

Vurderingar:

Det er relativt stor variasjon i korleis ulike kommunar sine eigarskapsmeldingar er bygde opp. I rådmannen sitt forslag til eigarskapsmelding er det teke omsyn til kva typar selskap og andre eigarinteresser Samnanger har, mellom anna at det ikkje er nokon kommunale føretak i kommunen. Rådmannen har i forslaget prøvd å ikkje ta med informasjon som ikkje er relevant for Samnanger, men likevel sikra at forslaget dekkar kommunelova sine krav til eigarskapsmelding. Det er heilt sikkert rom for forbedringar i eigarskapsmeldinga, men det viktigaste no er truleg at det blir vedteke ei melding som i alle fall oppfyller minstekrava i kommunelova.

I rådmannen sitt forslag er det også lista opp ein del samarbeid m.m. i tillegg til det som er minstekravet for eigarskapsmelding i kommunelova § 26-1. Dette er primært gjort for å gje ei god oversikt over ulike samarbeid m.m. som kommunen deltek i.

Konsekvensar:

Gjennom å vedta ei eigarskapsmelding no, vil kommunestyret oppfylle kravet i § 26-1 i kommunelova om at ei slik melding skal vedtakast minst ein gong i kvar valperiode. Etter rådmannen sitt forslag vil det nye kommunestyret som vert valt hausten 2023 få opp sak om eigarskapsmelding i løpet av 2024, og gjennom dette sikra at kravet i kommunelova § 26-1 også vert oppfylt i neste valperiode.

Det vil ikkje vera nokon økonomiske konsekvensar knytt til vedtak av eigarskapsmeldinga.

**SAKSFRAMLEGG**

Sakshandsamar: Karl Viken	Arkivkode: FE-200, TI-&14
Arkivsaksnr: 22/304	Løpenr: 22/9059
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Kommunestyret	08.12.2022	072/2022

Økonomirapportering pr. oktober 2022**Rådmannen sitt framlegg til vedtak:**

1. Økonomirapportering pr. oktober 2022 vert tatt til orientering.

1. Følgjande budsjettjusteringar vert gjennomført i driftsbudsjettet:

Budsjettet vert justert på einingsnivå grunna auke i pensjonskostnad.
Elles gjer ikkje rådmannen framlegg om endringar i driftsbudsjettet pr. oktober.

1. Følgjande budsjettendringar vert gjennomført i investeringsbudsjettet.

Budsjettjustering	Utgift opp/ inntekt ned	Utgift ned/ inntekt opp
Kommunehus - nytt nøkkelsystem	60 000	
Kommunehus - ombygg. til barnevern	60 000	
barneskulen	697 000	
Ungdomsskulen	27 000	
Sjukeheim, 95-bygget	174 000	
Sjukeheimen, carport	1 000 000	
Reistadliane , nytt bygg		4 200 000
Helsetun, ombygging veg	250 000	
Brannstasjon		1 100 000
Fleirbrukshall		4 800 000
Gamlehusvegen-renovering	143 000	
Trygg skuleveg - barneskulen	879 500	
Veg Nyuløtræ	800 000	

Jarland Bru	630 500	
Raunekleivvegen	700 000	
Steinslandsvegen	391 000	
Fjellsikring ved Haga kyrkje		65 000
Utbetring veg Hagabotnane	500 000	
Prosjekt Ytre Tysse, tilskot		1 700 000
VA Ytre Tysse	2 353 000	
Reservevassforsyning		2 900 000
VA infrastruktur		1 700 000
Sal bustadtomt, sett av til fond	124 600	124 600
Redusert bruk av lån	7 800 000	
	16 589 600	16 589 600

Investeringane er gjort greie for under del II. Investeringsbudsjett 2022 og låneopptak i saksutgreiinga.

Låneopptaket i 2022 vert redusert til 13 mil. kr og lånevedtak for 2022 er som følgjer: Det vert tatt opp eit lån på 13 mill. kr i 2022 til varige driftsmidlar i samsvar med Kommuneleova § 14-15 første ledd. Lånet skal brukast til investering i vatn, avløp, bygg og veg. Lånet skal betalast ned over 40 år og ha eit avdragsfritt år.

2. Reglementet for gjeld- og finansforvaltning vert justert på nokre få punkt.

Justeringane er gjort greie for i saksutgreiinga og revidert reglement vedlagt.

Dokument som er vedlagt:

Reglement for finans og gjeldsforvaltning 2022 rev 08122022

Samandrag – kva saka gjeld:

Det vert rapportert til kommunestyret på den økonomiske situasjonen pr oktober 2022. Forutan den økonomiske situasjonen pr. oktober, vert det set opp ein årsprognose for dei ulike områda og kommunen samla. Del II inneheld oversikt over forbruket på dei ulike investeringsprosjekta til kommunen i 2022. Heilt til sist, del III, inneheld ein del andre økonomimoment og ein kort oppsummering av årsprognosen

Det vert og gjort framlegg om nokre få endringar i reglementet for finans- og gjeldsforvaltning for Samnanger kommune. Revidert versjon er vedlagt.

Vedlegg

Reglement for gjeld- og finansforvaltning, revidert

Økonomirapporten er delt inn slik:

Status drift 2022 pr. oktober, med årsprognose
 Investeringsprosjekt 2022 pr. oktober

Status drift 2022 pr. oktober, med årsprognose

Kommunen sin driftsøkonomi vert i gjennomgangen under delt inn i fire sektorområde; i tillegg til eit budsjettområde for felleskostnadar og fellesinntekter.

- Helse og omsorg
- Oppvekst
- Samfunnsutvikling
- Økonomi og organisasjon
- Fellesinntekter og felleskostnadar

Sektor Helse og omsorg

Eining Helse

Denne eininga inneheld tenestene helsestasjon, jordmorteneste, legeteneste, fysioterapi og psykolog. Pr. oktober er det ein del større avvik i rekneskapen for denne eininga. For legetenestene ligg det an til å gå mot eit større meirforbruk, medan dei andre tenestene har budsjettmessig balanse eller overskot.

Orsaka til meirforbruket for legetenestene er at lønsnivået på dette området kjem til å verta høgare enn det som det er teke høgde for i budsjettet. I tillegg har det påløpt meirkostnadar grunna løna avspasering som heller ikkje er medrekna i budsjett for 2022. Desse to tilhøva var ikkje kjent når budsjettet vart vedteke. Til sist kjem delar av det negative budsjettavviket av at stillinga til kommuneoverlege har vorte auka i 2022, og dette er i hovudsak grunna pandemien. Det som har redusert meirforbruket er føringa av den delen av kostnadane innanfor legetenestene som dreier seg om Korona særskilt; slik at desse vert kompensert for. På fysioterapi og helsestasjon har ein mindreforbruk grunna vakanse.

Årsprognosen samla sett for eininga er eit årsresultat lik eit negativt avvik på 0,5 mill. kr; i beste fall endar eininga sitt resultatet lik balanse, medan verste utfall er eit negativt resultat på -0,7 mill. kr.

Eining Pleie og omsorg

Årsprognosen er lik eit årsresultat på -1,0; med eit spenn på balanse som beste resultat og -2 mill. kr som verste. Det er framleis ein del sjukefråvær i eininga. Fleire er enno langtidssjukemelde og det har vore ein del kortidsfråvær.

På sjukeheimen har pasientane stor trong for pleie, lindring, oppfølging osv. Utifrå det som er kjend pr. oktober, så er følgjande moment mest vesentlege for eininga sitt resultat;

Det er ein del overtid i rekneskapen som følgje av KS- avtalen som vart igangsett under pandemien. Det er ein føresetnad at dette, og andre korona/ omikron- relaterte kostnadar vert kompensert frå statleg hald. Dette dreier seg om 1,5 mill. kr. Kommunen har fått avkorta kompensasjon i høve til det som er rekneskapsført av kostnadar, men ein del vil likevel verta kompensert slik at resultatet til eininga vert betra.

Sal av sjukeheimsplassar vil påverka resultatet; i og med at det ligg ein sum til dette i budsjettet. Det har ikkje vore etterspørsel etter dette.

Det er eit meirforbruk på matvarer.

Medisinske forbruksvarer er kostar meir i innkjøp, og her trengs meir varer grunna pasientane sin tilstand.

Meirforbruket vil gå ned dersom ein del utstyr som er kjøpt inn på Samnangerheimen vert lagt over i investering.

Eininga har reduserenda tiltak på samla 0,7 mill. kr som vert igangsett grunna meirforbruket pr oktober.

Eining Livsmeistring

Eininga består av barnevern, PPT og Nav- kontor. Samla sett var det for desse områda kontroll på økonomien samla sett, ved at den var i balanse. Dei siste månadane ligg det an til eit lite meirforbruk. Det er fleire saker på barnevernsområdet som det vert jobba med i 2022, og som har gjeve økonomiske utslag. I tillegg har ein måte nytta mykje innleigd konsulenthjelp, og dette er dyrare enn dei budsjetterte faste stillingane.

Pr. oktober syner rekneskapen samla sett for eininga eit lite mindreforbruk; samla om lag 0,2 mill. kr. Det er venta at dette vert endra til eit negativt budsjettavvik ved årets slutt.

Livsmeistring sitt budsjett for 2022 vart laga utan det beste grunnlaget; av di eininga var heilt ny i kommunen. Livsmeistring ligg an til eit meirforbruk, medan PPT og NAV ligg an til mindre positive budsjettavvik. Prognosen vert eit negativt avvik på -1 mill. kr, med antatt beste resultat på - 0,8 mill. kr og antatt verste resultat på -1,5 mill. kr.

Årsprognose Helse og omsorg:

Årsprognosen samla sett for sektoren pr. oktober vert sett til eit negativt budsjettavvik på 2,5 mill. kr; med eit spenn frå antatt beste resultat på 0,8 mill. kr til antatt dårlegaste resultat på - 4,2 mill. kr.

Sektor Oppvekst

Fellesområde innanfor oppvekst

Dette budsjettområdet inneheld det som er felleskostnader for heile sektoren eller kostnader som ligg utafor skule og barnehagar; kommunalsjef, skuleadministrasjon, barnehageadministrasjon, vaksenopplæring og privat barnehage.

Pr. oktober er forbruk noko lågare enn budsjett; om lag 0,1 mil. kr, men prognosen tilseier at forbruket vil ta seg noko opp slik at budsjettområdet endar opp nært balanse; eller eit lite negativt resultat ved årets slutt. Orsaka til dette er at gjesteborn/ elevar i andre kommunar vil få ein høgare kostnad enn budsjettert. Når det gjeld dei kostnadane som eventuelt vil koma på grunn av mottak av flyktningar, så er desse føresett kompensert frå statleg hald. Det har vore brukt ein ekstra 20 %- ressurs i 2 månadar på administrasjon av vaksenopplæring. Elles inneheld årsprognosen mindre ulike budsjettavvik på dei ulike postane i budsjettet.

Eining Vassloppa

Pr. oktober er det eit meirforbruk ved eininga på 0,3 mill. kr, men delar av dette er knytt til ulik periodisering mellom rekneskap og budsjett. Det vil mellom anna koma inn ein del sjukelønsrefusjon. På kostnadssida er det ekstrakostnader grunna Meirforbruk lønssstiging, ferievikarar, skyvd arbeidstid, ny avtale om klesgodtgjering, avløysartillegg, vikar for styrar i jan/ februar og vikarstilling i 60% oktober- desember. Årsprognosen for eininga er balanse ved årets slutt.

Eining Dråpeslottet

Pr. oktober er det eit meirforbruk, og dette er særleg knytt til styrka tilbod. På trass av dette, er det ikkje driftsøkonomien som er utfordrande ved eininga, men fråvær og bruk av vikarar i barnehagen. Utfordringa innanfor løn er og sjukefråvær og vikarbruk. Det er pr. oktober to ukrainske born i barnehagen. Eininga har eit tiltak som er på ønskelista, og som vil gje stor fagleg, og mogeleg økonomisk gevinst. Tiltaket er å setja inn 2 ekstra dører i bygget, og med det kople små- og storbarnsavdeling. Dette vil gje fagleg gevinst, betre organisering og gjer det

mogleg å legge opp til ei meir fleksibel bemanning. Med informasjon pr. oktober er det sannsynleg at eininga vil ende opp i balanse. I beste fall vil resultatet verte eit budsjettmessig underskot på 70 000 kr og verste fall 0,2 mill. kr.

Eining Samnanger barneskule

Samnanger barneskule har eit forbruk pr. oktober som samla sett er over budsjett; om lag 1 mill. kr. Årsaker til dette negative budsjettavviket er auka lønsutgifter grunna høgare kompetanse, ekstrabehov i undervisninga og auka vikarkostnader. Skulen har hatt noko ekstrakostnader til undervisning av born frå Ukraina, men er rekna kompensert med statlege midlar. Med informasjon pr. oktober er det sannsynleg at eininga vil ende opp med negativt budsjettavvik på 0,5 mill. kr. Dette er og verst tenkelege resultat, medan beste anslag på prognosen er balanse.

Eining Samnanger ungdomsskule

Rekneskapen pr. oktober syner eit mindre negativt budsjettavvik, men det er rekna at skulen endar opp med eit mindre negativt budsjettavvik. Moment som er venta å generere dette meirforbruket er følgjande;

Lønskostnadane er ein del høgare enn budsjettet, men refusjonar og gjesteelevoppgjer reduserer meirforbruket på løn. Det er brukt noko meir enn budsjettet på ekstra bemanning opp mot einskilde elevar.

Vikarkostnader

Fornyng av lærebøker og digitale læreverk.

Skuleskyss er noko for lågt budsjettet.

Årsprognosen er eit negativt budsjettavvik på 0,2 mill. kr; i beste fall endar resultatet på balanse, medan verste utfall er eit negativt resultat på 0,4 mill. kr.

Årsprognose Oppvekst:

Beste prognose årsresultat for sektoren tilseier balanse, medan verst tenkelege resultat er sett til -0,7. Årsprognosen samla sett for sektoren pr. oktober vert difor sett til eit negativt budsjettavvik på 0,4 mill. kr.

Sektor Samfunnsutvikling

Samfunnsutvikling felles

Dette budsjettområde rommar arbeid innan næringsføremål og landbruk. Årsprognosen på dette området er balanse, med eit spenn mellom beste resultat på 0,1 mill. kr og verste som balanse.

Eining Teknisk Drift

Økonomien til eininga rommar Vatn- og avløyp, Eigedomsforvaltning, veg, kai, parkering og reinhald. Pr. oktober syner rekneskapen at det er eit lite meirforbruk på VA- området, men det er venta at dette vil verta redusert utover året. Hovudårsaka til dette er at ein i løpet av 2022 er godt i gang med å kople på nye abonnentar som vil gje kommunen nye inntekter, og betre økonomien på sjølvkostområdet. Samla kan det verta kopla på over 30 abonnentar i 2022. Det vil og vere fokus på kostnadskontroll, og ein styrer mot at dette budsjettområdet er i balanse ved årets slutt.

For eigedom og reinhald er prognosen balanse ved årets slutt. For veg er det større negative avvik som skuldast kostnadsauke på drivstoff og brøyting; utover det som ligg i budsjettet. I tertialrapport pr. april vart det gjeve tilleggslyving til straum – det ser det ikkje ut til å vere naudsynt med ytterlegare budsjettauke. Påplussingane i budsjettet gjer at ein truleg held budsjettet, sjølv om straumkostnadane har auka med om over 1 mill. kr frå 2021 til 2022.

Årsprognosen for eininga vert sett til balanse. I verste fall vert resultatet ved årets slutt -0,4

mill. kr.

Eining Teknisk Forvalting

Denne eininga inneheld budsjett til forvalting av kommunale bustadar, planarbeid, beredskap og miljø.

Rekneskapen pr. oktober syner eit mindreforbruk samla sett for eininga. Delar av mindreforbruket vil verte redusert heilt på slutten året; i og med at rekningane som kjem og vert betalt, ikkje er heilt i takt med periodiseringa av budsjettet. I tillegg har det vore ein del vakansar som har gjeve positive budsjettavvik. Det er nokre moment som kan gje budsjettavvik ved årets slutt, likevel tilseier samla vurdering balanse for teknisk forvalting; med -0,1 mill. kr som verste prognose for 2022.

Årsprognose Samfunnsutvikling:

Årsprognosen samla sett for sektoren pr. oktober vert sett til balanse; med eit spenn frå antatt beste resultat på 0,5 mill. kr til antatt dårlegaste resultat på -0,5 mill. kr.

Sektor Økonomi og organisasjon

Stabsfunksjonane Økonomi, HR, rådgjevar, rådmann, politikk og kontroll

For stabsfunksjonane er det samla sett eit meirforbruk på om lag 0,9 mill. kr pr. oktober samanlikna med budsjett.

For økonomiavdelinga syner rekneskapen eit meirforbruk på 150 000 kr. For HR og rådgjevar syner tala pr. oktober eit mindreforbruk på 400 000 kr. Det er mange mindre små avvik for både løn og driftskostnader. Overtid er det framleis noko av på HR- kontoret. Det er nokre risikomoment, men dette er mindre summar, og samla vert årsprognosen vert pr. oktober balanse.

På økonomikontoret er det største utslaget økonomisk at det tidleg i 2022 vart gjort opp for meirarbeid i form av all tidlegare opparbeida overtid ved økonomiavdelinga. Det har ikkje vore vesentleg del med meirarbeid 2. halvår av 2022, og dette er forventinga framover.

For rådmannskontoret er det pr. oktober eit relativt stort negativt budsjettavvik på om lag 0,87 mill. kr. Storparten av dette avviket, 0,65 mill. kr, kjem av at det er fleire pågåande rettssaker i 2022 som det ikkje er budsjettert for. På dette budsjettområdet vil det verte ført eventuelle tilkjente summar som følgje av rettssaker som er avslutta i Samnanger kommune sin favør.

Årsprognosen vert med dette eit negativt budsjettavvik på 0,9 mill. kr. I beste fall kan meirforbruket verte på -0,2 mill. kr, medan resultatet i verste fall vil verte eit negativt budsjettavvik på 1,4 mill. kr.

Eining Kultur, idrett og folkehelse

Det er særleg god kontroll på økonomien for eininga. Pr. oktober er i det store og heile samsvar mellom rekneskapen og budsjettet. Dette dersom ein tek omsyn til ulik periodisering mellom rekneskap og budsjett, og at det skal førast inn ein del fondsmidlar i rekneskapen. Vakansar grunna noko seinare tilsetjingar enn planlagt gjev mindreforbruk i høve til budsjett på nokre lønspostar.

Det er nokre moment som kan gje meirforbruk seinare i år. Dette dreier seg ikkje om betydelege summar, og årsprognosen balansen. eit negativt resultat på 50 000 kr; med eit spenn mellom beste og verste resultat som er mellom balanse og -100 000 kr.

Avdeling Servicekontor og Arkiv

Servicekontor og arkiv har eit forbruk pr. oktober som er heilt i samsvar med budsjett. Det er særleg god kontroll på avdelingsøkonomien, og årsprognosen er balanse. Risikomoment som er verdt å nemne er integrasjonar på IKT- området. Det ser og ut som det vil verte eit meirforbruk grunna innkjøp av lisensar. I verste fall vert årsresultatet til avdelinga eit negativt resultat på -0,25 mill. kr.

Årsprognose Økonomi og organisasjon:

Summert opp stoda pr. oktober for heile økonomi og organisasjon så vert årsprognosen for sektoren eit negativt resultat på 0,9 mill. kr. Spennet mellom antatt beste og dårlegaste resultat er mellom -0,2 mill. kr og -1,8 mill. kr.

Fellesområde utanom tenestene: Fellesinntekter- kostnader

Rammetilskot og Koronatilskot

Budsjett for rammetilskot vart laga og periodisert lik utbetalingane frå departementet, og det er ingen større avvik eller endringar på dette pr. oktober.

Kommunen har rekneskapsført jamleg kostnader som gjeld Korona og Omikron i rekneskapen, og kommunen ventar å få desse attende frå statleg hald. Kommunen har så langt i 2022 fått 326 000 kr som gjeld kompensasjon for kostnader som er knytt til pandemien. Kommunen legg til grunn at staten kompenser for dei økonomiske konsekvensane av Korona og Omikron. Ved nysaldering av statsbudsjettet er det ikkje kompensert for kostnadane som kommunen har til korona fullt ut. Det vert difor lagt inn eit negativt budsjettavvik på 1 mill. kr på dette området.

Skatt

Pr. oktober er skatteinntektene som kjem frå inntekt og formue 2,5 mill. kr høgare enn budsjettet. Av di Samnanger kjem betre ut enn budsjettet i høve til landsgjennomsnittet så vert ikkje kommunen kompensert så mykje som det vart lagt til grunn. Pr. oktober hadde Samnanger om lag 87 % av gjennomsnittleg skatteinngang for alle kommunar i landet, medan det i budsjettet er lagt til grunn noko lågare skatteinngang; 85 %. Det gjer at skatteutjamninga er om lag 0,5 mill. kr lågare enn budsjettet. Samla gjer det at skatteinngang og skatteutjamning utgjer ei meirinntekt på 2,0 mill. kr høgare enn budsjettet så langt. Skattenivået for kommunen og landet er konjunkturavhengig, og det er usikkerheit knyt til utvikling for resten av året. Det er ikkje vesentlege avvik på eigedomsskatt på næring, kraftanlegg, hytter og hus i høve til budsjett.

Årsprognosen for dette området vert difor ein prognose på eit positiv budsjettavvik på 2 mill. kr.

Rente- og avdrag

Det er gjennomført fleire rentehevingar så langt i år, og Norges bank har auka styringsrenta frå 0,5 % til 2,5 %. Det vil gjere at rentenivået på kommunale lån truleg vil gå opp minst like mykje, og med det meir enn den rentehevinga som er teke høgde for i budsjettet for 2022. Kommunen vil følgje utviklinga i rentenivået nøye.

Så langt i år er det ikkje eit vesentleg negativt avvik mellom påløpte renter og det som er sett av i budsjettet. Dette har og samband med at kommunen i 2021 auka delen av låneportefølgjen på kommunen si gjeld som har fast rente monaleg. Samla sett for renter og avdrag vert årsprognosen balanse.

Konsesjonskraft

2022 har hatt eit høgare prisnivå enn tidlegare år. Krigen i Ukraina, generell rekordhøg trong

for gass på kontinent, låge nivå på produksjon av fornybar energi i Europa og lite nedbør og snø i Sør- Norge har gjeve særst høge prisar og gode kraftinntekter. Kablane mellom sør- Norge og Europa har i denne situasjonen forsterka prisoppgangen.

Pr. oktober er det netto inntektsført 22,0 mill. kr på konsesjonskraftkapittelet. Det er då godt over nettobudsjettet på 11,8 mill. kr i 2022. Prognosane som vi har fått frå forvaltaren vår tilseier at nettointekt kan verta heilt opp mot 30 mill. kr ut over budsjetttert nivå. Prisane på området som igjen påverka inntekta til kommunen varierer mykje, og ein konservativ årsprognose tilseier eit budsjettmessig overskot på 25 mill. kr.

Pensjonsøkonomi

Pensjonskostnaden til kommunen er rekna utifrå føresetnadar som vart sett i 2021. Nivået på lønsoppgjeret er ein viktig føresetnad; det same er G- regulering. Begge desse faktorane ligg an til å verte mykje høgare i 2022 enn i 2021. Dersom ein samanliknar dei endra prognosane for 2022 med det som er lagt inn i budsjett, så ligg pensjonskostnaden an til å verte opp mot 6,0 mill. kr høgare enn budsjetttert. Då har ein teke med ekstra føringar av fondsmidlar på pensjonsområdet. Det er eit spenn mellom dårlegaste og beste årsprognose på -5 mill. kr og -7 mill. kr.

IKT- felles

Budsjettområdet for felles IKT- kostnader syner pr. oktober eit meirforbruk. Delar av dette er periodiseringseffektar; slik at meirforbruket er noko mindre. Årsprognosen så langt vert difor eit negativt budsjettavvik ved årets slutt på 0,5 mill. kr.

Årsprognose fellesinntekter og felleskostnader

Summert opp stoda pr. oktober for alle fellesområda utanom tenestene så vert årsprognosen eit positivt resultat på 19,5 mill. kr.

Tabell årsprognose Samnanger kommune

Tabell under summer opp årsprognosen pr. oktober for kommunen.

Samla årsprognose pr. oktober for drifta til kommunen vert eit budsjettmessig overskot på 15,7 mill. kr. Dette er ein forverring av årsprognosen pr. august som var eit budsjettmessig overskot på 22 mill. kr. Forverringa sida førre prognose kjem av at kommunen sine kostnader på pensjonsområdet har auka monaleg. Ein ser at ein del einingar og stabsavdelingane som sorterer under økonomi- og organisasjon samla ligg an til eit meirforbruk. Fellesinntekter og felleskostnader ligg an til eit stort positivt budsjettavvik, og det igjen kjem av at konsesjonskraftinntektene ligg an til å generere ei stor meirinntekt i 2022. I tillegg bidreg ein god skatteinngang inkludert skatteutjamning med ein prognose på 2 mill. kr over budsjett. Det er greidd ut om kva som ligg bak prognosane til dei ulike sektorane i tekst og tal over.

Det er framleis eit stort spenn i årsprognosen på 15,7 mill. kr; der beste anslag er eit budsjettoverskot på 26 mill. kr, og verste er eit budsjettoverskot på 9 mill. kr ved årets slutt.

Risikovurdering årsprognose

Det er framleis noko uvisse kring fleire område, og korleis tala på desse områdaskal ende opp ved årets slutt. Det er framleis 2 månadar og årsavslutninga igjen av rekneskapsåret 2022. Det er likevel viktig å gje ein peikepinn på korleis stoda er, og best mogleg anslag på kommunen sitt årsresultat. Følgjande risikomoment inneber ei nedside, og kan gje eit dårlegare resultat for kommunen enn det årsprognosen pr. oktober skulle tilseia;

Dersom einingane samla får ein dårleg trend på slutten av året, og det samla for einingane

og tenestene vert enno større negativ drift enn det er i dag. Det er pt. ei negativ samla drift for einingane på om lag 3,8 mill. kr.

Særleg Helse og omsorg har fleire større budsjettavvik, samla -2,5 mill. kr, og det er avgjerande at desse avvika ikkje forverrar seg på slutten av året.

Kommunane har hatt store utgifter til Korona. Det er rekneskapsført samla 3,9 mill. kr kostnader som er knytt til Omikron og Korona. I nysaldert statsbudsjett som nyleg vart offentleggjort, så er Samnanger førebels tildelt ein mindre sum enn dette. Spørsmålet er om einingane har teke høgde for meir av koronakompensasjon i sine prognosar enn det kommunen faktisk har fått til no.

Det ligg ikkje an til at prognosane for konsesjonskraftinntekter ikkje skal slå til når det berre er to månadar igjen.

Juridiske tenester er eit område der kommunen ber store kostnader som er vanskeleg å budsjettere for. Veldig få rettssaker kan utløyse store kostnader for kommunen. Dersom det kjem fleire nye saker eller at pågåande saker eskalerer vil det gje kunne gje store kostnader. Kommunen bør frå ein økonomisk vinkel freiste å avgrense trong for ekstern juridisk bistand.

II. Investeringsbudsjett 2022 og låneopptak

Det går mot slutten av året og kommunen må med det gjere ei avrekning i høve til framdrift i investeringsprosjekta og trong for låneopptak for 2022. Under er oversyn over investeringsprosjekt, og avvik mot budsjett på dei ulike vedtekne investeringsprosjekta.

På grunn av framdrifta i dei ulike investeringsprosjekta og trong for finansiering vert det gjort framlegg om budsjettendringar i saka, og framlegg til låneopptak for 2022; 13 mill. kr.

III. Andre økonomimoment 2022 og oppsummering

Auka pensjonskostnad

Det er en stor auke i kommunen sine pensjonskostnader for 2022. Kommunen baserer sine budsjett på området på dei periodevise oppgåve som pensjonsleverandørane leverer. Til og med 2. tertial var prognosen ein auke i høve til budsjett på 2 mill. kr. Etter at KLP og SPK leverte nye tal i haust, er prognosen endra til ein langt større meirkostnad; 6 mill. kr.

Statsbudsjettet

Korona- kompensasjon

I nysalderinga av budsjettet er det gjeve ein korona kompensasjon som gjev Samnanger kommune 2,25 mill. kr. I tillegg er det lagt opp til at kommunar som har hatt meirkostnader utover dette kan rapportere desse innan 07.12.2022. På bakgrunn av dette kan ein få ein del av ein pott skjønnsmidlar som samla er på 2 mrd. kr.

Havbruksfondet 2022

Regjeringa gjer framlegg om å auke overføringa til havbruksfondet med 800 mill. kr i 2022. Den ekstra løyvinga sikrar at vertskommunane for havbruksnæringa kjem betre ut enn tidlegare år. Løyvinga er ein eingongsløyving, og vert lagt fram for Stortinget i nysalderinga av budsjett for 2022.

Fordelinga for den einskilde kommune vert offentleggjort når den er klar. Det er Fiskeridirektoratet som føretekt utbetalinga. Det vil skje så fort som mogleg, og seinast på nyåret.

Det vert gjort framlegg om nokre få justeringar i reglement for gjeld – og finansforvalting for Samnanger kommune. I all hovudsak vert reglementet likt, og hovudinnretninga er den same som før; det vil seie at føremålet er å halde totale finanskostnader nede, samstundes som ein ikkje tek større finansiell risiko enn naudsynt. Det er gjort følgjande justeringar:

- Dersom det er naudsynt kan kommunen hente inn bistand.
- Det vert opna opp for å bruke andre låneinstrument enn ordinære låneopptak; som obligasjonslån og sertifikatlån (løpetid på under eit år).
- Tidspunkt for låneopptak er ytterlegare spesifisert ved at det er vert opna for at ein vurderer å ta opp lån tidlegare på året enn naudsynt. Det kan vera aktuelt i tilfelle der vilkåra der ved plassering er betre enn gjeldsrentene ein betalar i same periode.

Utover dette er det ikkje gjort endringar, og det overordna målet ved forvaltinga vil framleis vera lågast mogleg finansielle kostnader.

Høyringssak inntektssystemet – eiga sak

Samnanger kommune har stor interesse av å koma med uttale til høyringa på nytt inntektssystem. Berekingar syner at Samnanger kjem dårlegare ut med endringane som er lagt fram. Det ligg eigen sak til handsaming som går på dei negative konsekvensane av framlegga.

Oppsummering prognose

Det vert pr. oktober meldt ein prognose som tilseier eit positivt budsjettavvik i rekneskapen ved utgangen av året på 15,7 mill. kr. Årsresultatet kan i verste fall verte på 9 mill. kr i budsjettmessig overskot, og i beste fall vert resultatet om lag 26 mill. kr. Dette er ein forverring av årsprognosen som vart meldt pr. 2. tertial på 22 mill. kr. Under risikomoment er det sett opp punkt som vil kunne påverke årsresultatet negativt.

Det går fram av tabellen at einingane og sentraladministrasjon har negativ drift, medan felles budsjettområde som ligg utanom drifta har prognose om eit større positivt resultat.



SAKSFRAMLEGG

Sakshandsamar: Nina Erdal	Arkivkode: FE-103
Arkivsaksnr: 22/894	Løpenr: 22/9393
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet		
Kommunestyret	08.12.2022	073/2022

Høyringsvar til NOU 2022:10 inntektssystemet for kommunane Samnanger kommune

Rådmannen sitt framlegg til vedtak:

Samnanger kommune er svært kritisk til at ein lokal utskriven eigedomsskatt skal inngå, heilt eller delvis, i inntektsutjamninga. Kommunen sin moglegheit til å skrive ut eigedomsskatt på mellom anna kraftanlegg og kraftnett, har vore ein del av den politiske tilslutninga til naturinngrepa som er gjort. Kommunen er på same måte sterkt kritisk til at inntekt frå konsesjonskraft skal inngå, heilt eller delvis, i inntektsutjamninga. Kommunen sine konsesjonskraftinntekter kjem som eit resultat av større naturinngrep og ei statleggjering av desse inntektene vil stride mot eit prinsipp som har vore fast i svært mange år. Kommunen er på same måte kritisk til at utbetalingar frå havbruksfondet skal inngå i inntektsutjamninga.

Kommunen vil og minne regjeringa på erklæringa dei kom med i Hurdalsplattforma der det vart sagt at «*Regjeringen vil sikre at lokalsamfunn som stiller sine naturressurser til disposisjons for utbygging, får meir igjen for det og sikres en rettmessig del av verdiskapningen, herunder gjennom endret skattelegging av vindkraft*». Ei endring av inntektsutjamninga der deler av desse inntektene skal inngå, vil opplevast som eit løftebrot.

Ifylgje utvalet utgjer naturressurskommunane sine inntekter 1 % eller mindre av kommunane sine samla skatteinntekter. Summane som vert henta inn frå dei berørte kommunane vil då ha liten innverknad på den samla inntektsutjamninga, men for dei kommunane som mister deler av inntekta, kan dette ha svært stor betydning. Det har vore fleire utval som har sett på om eigedomsskatteinntekter skal inngå i inntektsutjamninga. Samtlege utval og utgreiingar har tidlegare konkludert med at dette vil vera feil.

Det ser ut til at det er ei utbreidd misoppfatning om at alle kommunar med inntekt frå naturressursane i kommunen, er rike kommunar. Samnanger kommune er ein liten kommune med ca. 2 500 innbyggjarar. Kommunen har ein skatteinngang på ca. 86 % av landsgjennomsnittet før inntektsutjamning og ca. 94 % etter. Utan inntekt frå eigedomsskatt og konsesjonskraft ville det vore vanskeleg for kommunen å gje innbyggjarane gode tenester. Til tross for desse inntektene har kommunen opplevd å ha trong økonomi i mange år og det er dei siste års auka inntekt frå

konsesjonskraft som har gitt kommunen moglegheit til å opparbeide anbefalt bufferkapital og som har gitt noko meir handlingsfridom.

Kommunen vil og oppfordra til at det vert arbeida meir med delkostnadsnøklane og at resultat frå folkehelseforskning og tenesteforskning i større grad supplerer dei kvantitative undersøkingane. Kommunen ber og om at det i noko større grad vert tatt omsyn til smådriftsulempene små kommunar har og at småkommunetilskotet ikkje vert redusert med 1 mnok slik utvalet foreslår.

Dokument som ikkje er vedlagt:

[Høring - NOU 2022: 10 Inntektssystemet for kommunene - regjeringen.no](#)

Saksopplysningar:

Bakgrunn for saka:

Inntektssystemutvalet vart oppnemnt ved Kongeleg resolusjon 12.mai 2020 og fekk i oppdrag å foreta ein heilheitleg gjennomgang av inntektssystemet for kommunane. Inntektssystemet fordeler rammetilskotet og omfordelar skatteinntekter mellom kommunane. Inntektssystemet består i dag av tre hovudelement: innbyggjartilskot med utgiftsutjamning, ulike regionalpolitiske begrunna tilskot og ei omfordeling av skatteinntekter gjennom inntektsutjamning. Utvalet var ferdig med arbeidet i august 2022 og utgreiinga er no på høyring med frist 4.januar 2023.

I mandatet til utvalet står det mellom anna « *Utvalet bes legge til grunn for sitt arbeid at inntektssystemet skal sørge for at alle kommuner skal kunne tilby gode og likeverdige tjenester til sine innbyggere, og at inntektssystemet fortsatt skal bestå av både inntektsutjevning og utgiftsutjevning. Utvalet bes vurdere i hvor stor grad inntekter og utgifter bør utjevnes, og hvordan denne utjevningen bør innrettes* » Vidare står det under avsnitt skatt (inntektsutjamning): « *Utvalet bes om å gi en faglig og prinsipiell vurdering av hvilke skatter som bør utjevnes mellom kommunene. Utvalet bes videre om å drøfte avveiningen mellom på den ene siden hensynet til lokal forankring av kommunens inntekter, og på den andre siden behovet for utjevning av skatteinntektene mellom kommunene. I den sammenhengen bør også hensynet til å stimulere til næringsaktivitet lokalt vurderes. Utvalet bes om å komme med et forslag til utforming av skatteelementene i inntektssystemet, og belyse konsekvensene av ulike innretninger* »

Vurderingar og konsekvensar:

Utvalet har foreslått ei rekke endringar som vil påverke kva inntekter kommunen vil få dersom dette forslaget blir vedtatt. Det er gitt høyringsuttale frå Naturressurskommunene som er ein paraplyorganisasjon der mellom anna LVK (Landsamanslutninga av vasskraftskommunar) er med. Tidsskriftet Kommunal økonomi har ein lengre artikkel der dei ser på og vurderer endringane som er foreslått. I artikkelen får utvalet ros for å forenkle inntektssystemet, men får og kritikk for at dei i for liten grad brukar resultat frå mellom anna folkehelseforskning og tenesteforskning, noko som gjer at delkostnadsnøklane ikkje treff godt nok. Dei framhevar mellom anna at delkostnadsnøklane for skule og barnehage ikkje fangar opp behovet for tidleg innsats.

Høyringsuttalen frå Naturressurskommunane gjeld den delen av rapporten som gjeld naturressursinntekter. Naturressurskommunane er sterk kritisk til den endringa som er foreslått. Kort oppsummert har utvalet foreslått å statleggjere deler av kommunen sine eigedomsskatteinntekter ved at dei skal inngå som del av inntektsutjamninga. I tillegg har dei foreslått å gjere det same med delar av konsesjonskraftinntektene til kommunen. Det er og foreslått at havbruksfondet skal omfattast av inntektsutjamninga. I denne omgang er det foreslått at 10 % av eigedomsskatteinntekter frå kraftanlegg, kraftnett mm , konsesjonskraftinntektene og av Havbruksfondet skal inngå i inntektsutjamninga.

Denne delen av forslaget strider mot alt som tidlegare har vore sagt om at kommunar som stiller

naturressursar til disposisjon for kraftproduksjon skal behalde ein del av denne kraftproduksjonen. Kommunale skatteinntekter frå mellom anna kraftproduksjon har gjort det mogeleg å skape einigheit om utbygging og vert og brukt som argument for at kommunane skal seie ja til naturinngrep.

Det har vore sett ned fleire utval tidlegare som har sett på om eigedomsskatt bør inngå i inntektsutjamninga. Med litt ulik grunngjeving har ingen av dei tidlegare offentlege utvala anbefalt å innlemme ein frivillig skatt i inntektsutjamninga mellom kommunar. Så vidt me kan sjå er det heller ikkje tidlegare foreslått å innlemme konsesjonskraft i inntektsutjamninga.

Ifylgje utvalet utgjer naturressurskommunane sine inntekter berre 1 % eller mindre av kommunane sine samla skatteinntekter. Summane som vert henta inn frå dei berørte kommunane vil då ha liten innverknad på den samla inntektsutjamninga, men for dei kommunane som mister deler av inntekta kan dette ha svært stor betydning. Det kan på mange måtar virke som det er ei misoppfatning at alle kraftkommunar er rike kommunar. Svært mange av desse kraftkommunane er distriktskommunar og inntektene frå eigedomsskatt og konsesjonskraft vert brukt for å sikre kvalitet på tenestetilbodet og for å forsøke å redusere fråflytting. Skatteinngangen i Samnanger er på om lag 86 % av landsgjennomsnittet og aukar til om lag 94 % gjennom inntektsutjamninga. Utan inntekt frå eigedomsskatt og konsesjonskraft ville Samnanger kommune vore ein kommune med dårleg økonomi. Kommunen har til tross for både eigedomsskatt og inntekt frå konsesjonskraft opplevd at økonomien til dels har vore anstrengt og det er berre dei to siste åra med gode inntekter frå konsesjonskraft som gjer at kommunen har sett at det har vore mogeleg å skaffe seg litt økonomiskhandlingsrom.

Konklusjon:

Kommunen stiller seg sterkt kritisk til inntektsutvalet sitt framlegg om at deler av inntekt frå eigedomsskatt etter eigedomsskattelova § 3 c, inntekt frå konsesjonskraft og inntekt frå havbruksfondet skal inngå i inntektsutjamninga mellom kommunane.



SAKSFRAMLEGG

Sakshandsamar: Bodil Helliesen Øpstebø	Arkivkode: FA-A10
Arkivsaksnr: 21/609	Løpenr: 22/8467
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	10.11.2022	057/2022
Kommunestyret	08.12.2022	074/2022

Evaluerings av kommunestyrevedtak 02.12.2021 om stengetid i skuleferiane i barnehage og SFO 2022

10.11.2022 Formannskapet:

Handsaming i møtet:

Rådmannen sitt framlegg vart samrøystes vedteke.

FORM- 057/2022 Vedtak:

Dei lokale vedtektene for SFO og barnehage vert endra i tråd med vedtaksteksten i avsnitt to og tre nedanfor. I tillegg vert påmeldingsalternativet «40 % kombinasjonsplass 2 dagar morgon og ettermiddag» teke ut av SFO-vedtektene. Endringane gjeld frå og med 01.01.2023.

SFO vert stengt i juli månad, romjula og påskeveka og i tillegg på helge- og høgtidsdagar og jule- og nyttårsaftan, samt på planleggingsdagane. SFO har ope ca. 20 dagar i tillegg til dei lovpålagde 190 skuledagane (Opplæringslova § 13-7).

Barnehagane vert stengde to veker om sumaren (veke 29 og 30 i juli), onsdag før påske, på helge- og høgtidsdagar, jule- og nyttårsaftan samt på planleggingsdagane, men er elles opne i alle feriar.

I romjula vert det samarbeid mellom barnehagane og tilbod om éin open barnehage med opningstid 08.00-16.00.

Prisjustering kjem i budsjettet, der ein legg inn timepris på 38,50 kroner i SFO. Dette vert gjort for å kunne forenkla og bruka digital fakturering i kommunen sitt faktureringssystem.

Rådmannen sitt framlegg til vedtak:

Dei lokale vedtektene for SFO og barnehage vert endra i tråd med vedtaksteksten i avsnitt to og tre nedanfor. I tillegg vert påmeldingsalternativet «40 % kombinasjonsplass 2 dagar morgon og ettermiddag» teke ut av SFO-vedtektene. Endringane gjeld frå og med 01.01.2023.

SFO vert stengt i juli månad, romjula og påskeveka og i tillegg på helge- og høgtidsdagar og jule- og

nyttårsaftan, samt på planleggingsdagane. SFO har ope ca. 20 dagar i tillegg til dei lovpålagde 190 skuledagane (Opplæringslova § 13-7).

Barnehagane vert stengde to veker om sumaren (veke 29 og 30 i juli), onsdag før påske, på helge- og høgtidsdagar, jule- og nyttårsaftan samt på planleggingsdagane, men er elles opne i alle feriar. I romjula vert det samarbeid mellom barnehagane og tilbod om éin open barnehage med opningstid 08.00-16.00.

Prisjustering kjem i budsjettet, der ein legg inn timepris på 38,50 kroner i SFO. Dette vert gjort for å kunne forenkla og bruka digital fakturering i kommunen sitt faktureringssystem.

Dokument som ikkje er vedlagt:

Saksframlegg og vedtak kommunestyret 02.12.2021 i sak KS-118/2021

Opplæringslova og forskrift til opplæringslova

Barnehagelova og rammeplan

Vedtekter for SFO

Vedtekter for barnehage

Tilbakemelding frå FAU, SU i skule og barnhagane og dei tilsette

Oppsummering:

Rådmannen foreslår at det vert gjort justeringar i kva dagar SFO og kommunale barnehagar skal halda ope i feriane, og at desse endringane vert innarbeide i dei lokale vedtektene for SFO og barnehage. Forslaget inneber ein reduksjon i tilbodet i forhold til 2022 som er eit prøveår. Det vert foreslått at SFO held stengt i heile juli, romjula og heile påskeveka. Det vert vidare foreslått at barnehagane skal halda stengt i veke 29 og 30 (to veker i juli) og onsdag før påske, samt at opningstida i barnehagane i romjula vert kl. 08.00-16.00. Dette for å organisera betre og ha flest mogleg tilsette tilgjengeleg når det er flest barn, samt å kunne spare noko utgifter. Det vert samkøyring mellom barnehagane ut frå kor mange barn som er påmeldt.

Saksopplysningar:

Etter spørsmål frå foreldre og arbeidsgjevarer vart det etterspurt meir fleksibel opningstid for barnehage og SFO. Dette har no vore prøvd ut frå jula 2021 og gjennom 2022. Det har vore prøvd ut utvida sommarope barnehage i to veker samt ope i romjula. For SFO har me hatt tilbod omlag 5 veker i sommar, påskeveka, dagane før jul og romjul.

Ein ser at nokre av foreldra har hatt reelle behov for ferieopent og dei har vore nøgde med tilbodet dei har fått i feriane.

Bakgrunn for saka:

Hausten 2021 kom det førespurnad til kommunen, mellom anna frå foreldre, om det var mogleg med meir ferieope/fleksibel opningstid i barnehage og SFO. Kommunestyret handsama sak om dette 02.12.2022 (sak KS-118/2021), der følgjande vart vedteke:

«Dei lokale vedtektene for SFO og barnehage vert endra slik at det med verknad frå 2022 skal gjevast eit tilbod om barnehage og SFO i alle skuleferiane, men ikkje på helge- og høgtidsdagar og jule- og nyttårsaftan, samt på planleggingsdagane. Rådmannen får fullmakt til å rette vedtektene til SFO og barnehage i tråd med dette vedtaket.

Rådmannen organiserer drift på ein forsvarleg måte med samkøyring i ein barnehage der ein tek omsyn til bindande påmelding ut frå behov. I tillegg utvidar SFO opningstida si med to veker - veke 27 og 28 om sumaren.

Kommunen skal bruka 2022 til å gjera seg erfaringar og evaluera tilbodet ut frå etterspurnad og økonomi.....»

Ordninga har no vore prøvd ut frå jula 2021 og gjennom 2022. Det har vore prøvd ut utvida sommarope i barnehage i to veker, samt ope i romjula. For SFO har det vore tilbod om lag fem veker i sommar, i påskeveka, i dagane før jul og i romjula.

I tråd med kommunestyret sitt vedtak er det no gjennomført ei evaluering.

Evaluering:

Evalueringa viser at nokre av foreldra har hatt reelle behov for ferieope og at dei har vore nøgde med tilbodet dei har fått i feriane i denne perioden. Evalueringa syner òg at det er eit behov hos nokre foreldre når det gjeld å bruka barnehagen i romjula og veke 29 og 30, men at det ikkje var behov i SFO i same periode.

Nokre foreldre har gjeve tilbakemelding om endra behov undervegs. Døme på dette kan vera at barn ikkje ynskjer å gå (nytta tilbodet) på grunn av at det er så få barn, at endring av stad for barnehage-/SFO-tilbodet gjer nokon utrygge, eller at det vert dyrt å bruka SFO mange dagar i ferien.

Nokre foreldre har nemnt at i helse og omsorg har ein vekselvis tidleg og sein sommarferie, og at dei difor berre har behov for ferieope annakvart år når dei skal jobba veke 29 og 30.

Noko av bakgrunnen for saka som kommunestyret handsama 02.12.2021, var at det på grunn av koronapandemien var viktig for kommunen å ha moglegheit til å kalla inn tilsette på jobb, også frå ferie om naudsynt. Dette gjaldt spesielt i helse og omsorg. Ein del av dei tilsette har barn i barnehage- og småskulealder, og det vart vurdert som viktig at kommunen skulle ha eit barnehage- og SFO-tilbod også i feriar/tilsvarande. Evalueringa syner at dette ikkje har vore eit stort behov i denne perioden.

I veke 29/2022 var fire barn frå Vassloppa barnehage og ingen barn frå Dråpeslottet barnehage påmelde. I veke 30/2022 var ingen barn frå Vassloppa og tre barn frå Dråpeslottet påmelde. Tilbodet i veke 30 var i Dråpeslottet. Dette tyder på at det er usikkert kor stort det reelle behovet for barnehage-tilbod var desse vekene. Uansett kan det peikast på at valfridom for foreldre er viktig.

For organiseringa av barnehagedrifta med ope i alle feriar er det utfordrande å få avvikla lovpålagd ferie. Dagens ordning krev meir bruk av vikarar når faste tilsette må ta ut feire i veker dei fleste barna er i barnehagen. Dette fører til auka bruk av vikarar, og det er også ei utfordring at det er vanskeleg å få tak i vikarar.

Ei ordning der SFO held stengt i fire veker i sommarferien vil truleg føra til meir arbeidsro i skulen gjennom skuleåret og ikkje så stort behov for vikarar. Foreldra har gitt tilbakemelding om at dei er kjempefornøgde dersom SFO har ope 5-7 dagar etter skuleslutt, 5 dagar før skulestart og i haustferien og vinterferien. Det er heller ikkje lovpålagt å ha SFO-tilbod i feriane.

I evalueringsperioden har nokre få brukt SFO i den utvida ferieopningstida, men erfaringa er at behovet er lite og at nokre påmelde barn ikkje møtte fordi foreldra hadde funne andre løysingar. Det vart også peika på frå foreldre si side at barna er skuleelevar og ikkje barnehagebarn lenger, og at dei difor reagerte på løysinga med samkøyring av SFO- og barnehage-tilbodet. Samkøyringa vart av desse fordeldra ikkje oppfatta som eit godt tilbod. SFO-barna skal avvikle samanhengande ferie i minst tre veker. I romjula var det ingen påmelde til SFO og difor stengt.

Kvar veke SFO er open må kommunen leggja til rette for 12 timar gratistilbod for elevane i 1. klasse for elevar i 5.-7. klasse med særskilde behov, jf. forskrift til opplæringslova kap. 1B.

Fordeling av ca 20 dagar i rådmannen sitt framlegg til vedtak er foreslått slik, (men varierer litt med kalender og skulerute):

Før skulestart	Haustrferie	Før jul	Vinterferien	Etter skuleslutt
5-8 dagar	5 dagar	1-4 dagar	5 dagar	5-8 dagar

Erfaring kostnader SFO sommaren 2022:

	v 25 juni	v 26 juni	v 27 juli	v 28 juli	v 29 juli	v 30 juli	v 31 aug	v 32 aug	Totalt
Sum	Kr 16 179	Kr 26 950	Kr 5 390	Kr 13 475	Kr 0	Kr 0	Kr 13 475	Kr 24 225	Kr 99 694
Tal vaksne	2 vaksne 3 dagar	2 vaksne 5 dagar	1 vaksen 2 dagar	1 vaksen 5 dagar	0	0	1 vaksen 5 dagar	3 vaksne	

Kostnader dei andre opne dagane vekene før jula 2021 og resten 2022:

	Haustferie	Før jul	Romjula	Vinterferie	Påskeveka	Totalt
Sum	Kr 37 730	Kr 16 170	Kr 0	Kr 26 950	Kr 5 390	Kr 86 240
Ta vaksne	3 vaksne 3 dagar 2 vaksne 2 dagar	2 vaksne 3 dagar	0	2 vaksne 5 dagar	1 vaksen 2 dagar	

Økonomi	SFO
Utgifter	Kr 185 955
Inntekter foreldrebetaling	Kr 46 666
Andre utgifter	Kr 20 000
Totalt	Kr 159 289

I tillegg kjem utgifter til vikar når tilsette skal ta ut ferie og elevane er på skulen. Dei som jobbar i SFO jobbar også i skulen. Kostnader til reinhald ligg på eining for teknisk drift og er ikkje med i tala ovanfor.

Det vil vera variasjon i behovet frå år til år, og kostnaden vil endra seg i tråd med tal elevar og eventuelt gratis plassar.

Forslag om endring i vedtektene for SFO:

I tillegg til endra tilbod i feriar m.m., foreslår rådmannen at eit av alternativa for SFO-plass/tilbod vert fjerna frå SFO-vedtektene. Dette gjeld alternativet med kombinasjonsplass to dagar morgon og ettermiddag. Dette alternativet er lite i bruk og ein har for mange ulike alternativ. Å fjerna dette alternativet vil også forenkla organiseringa av SFO.

Uttalar frå andre:

FAU ved Samnanger barneskule sitt hovudynskje er ope i alle feriar, og med samarbeid barnehage og SFO med ei samanslåing i nokre av desse vekene.

FAU barnehage ynskjer ope i alle feriar, i eigen barnehage.

Dei tilsette i barnehagane er opptekne av forutsigbarheit og god struktur som tener foreldra, barna og dei tilsette. Dei ser utfordringar med å blanda SFO og barnehage, samt utfordringar med å få teke ut ferie for alle tilsette om ein skal ha ope heile sumaren.

Dei tilsette i SFO ynskjer stengt i romjula, påskeveka og juli månad.

Kostnader barnehage: 2 veke ferieope i juli:

Tidspunkt	Kostnad	Tilsette	Løn vikarar når dei tek ferie	Totalt
Veke 29, 30	Kr 67 375	3+2 tilsette	Kr 67 375	Kr 134 750
romjula	Kr 45 815	3+2 vaksne	Kr 45 815	Kr 91 630
				Kr 226 380

Vurderingar og konsekvensar:

Evalueringa syner at nokre foreldre har behov for ferieope i barnehage og SFO.

Andre foreldre har gitt tilbakemelding om endra behov undervegs, at barn vil ikkje bruka tilbodet i ferien fordi det er så få barn som møter, eller at dei må gå i ein annan barnehage enn den dei vanlegvis går i.

For dei tilsette er det utfordrande å få avvikla ferie når barna sin ferie vert spreidd gjennom heile året og dette gjer til at ein må ha inn ein del vikarar i barnehage og skule for å få avvikla lovpålagd ferie. Ved å redusera ferietilbodet i barnehagane og SFO noko (to veker stenging i barnehagane og fire veker i SFO), vert det enklare for tilsette å få avvikla ferien sin. Dette vil også føra til meir arbeidsro i barnehagane og på barneskulen gjennom skule-/barnehageåret.

Det er nødvendig å redusera kostnadene i sektor for oppvekst i kommunen. Det er viktig med ei streng prioritering når det gjeld tilbodet i denne sektoren. Lovpålagde tenester/tilbod kan ikkje veljast vekk, men tenester/tilbod ut over dette må vurderast nøye for å redusera kostnader. Dette gjeld mellom anna tilbod om opningstid i SFO og barnehage ut over det som er lovpålagt.

Det er også eit moment at kommunen har fått nye kostnader knytt til SFO, som følge av lovpålagt 12 timar gratis SFO til alle 1. klassingane. Hausten 2023 gjeld dette 21 barn = kr 368 676. Dette er for dei 190 skuledagane og i tillegg kjem 20 dagar i ferievekene. Døme: 12 timar*38,50 kr *15 elevar*4 veke = kr 27 720

Konsekvensar:

Barnehage: Foreldre har meldt frå om behov for ope i feriane for å kunne utøva arbeidet sitt. Samstundes har nokon foreldre meldt frå om at barna har rett på eit trygt og godt oppvekstmiljø og at dette er vanskeleg å ivareta ved byte av barnehage og «ukjent» personale i ferien. Det er påmelding og barnehagane fordel tilsett ut frå dette. Det er kjent tilsett frå deira barnehage, for dei barna som er påmeldt, noko foreldra vert gjort kjent med på førehand.

SFO: Ein ser at SFO ikkje vart brukt i romjula 2021 og i dei to ekstra vekene sumaren 2022 då tilbodet var samkøyrd med barnehagetilbodet. Samstundes ser me at det var få som brukte SFO i påskeveka 2022. Det vert difor foreslått at SFO held stengt i desse periodane frå no av.

Konklusjon:

Samnanger kommune ynskjer å gje eit best mogleg tenestetilbod i barnehage og skule/SFO, ut frå reelle behov. Samstundes er det viktig å bruka ressursane effektivt og prioritera dei periodane der det er eit faktisk behov for å ha eit tilbod. Etter ei samla vurdering foreslår rådmannen at barnehage- og SFO-tilbodet vert redusert noko i forhold til det kommunestyret vedtok 02.12.2021, jf. rådmannen sitt framlegg til vedtak.



SAKSFRAMLEGG

Sakshandsamar: Jan Erik Boge	Arkivkode: FE-223
Arkivsaksnr: 18/951	Løpenr: 22/8399
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	10.11.2022	060/2022
Kommunestyret	08.12.2022	075/2022

Søknad om straumstøtte til Eikedalen Skisenter vintersesongen 2022/2023

10.11.2022 Formannskapet:

Handsaming i møtet:

Rådmannen sitt framlegg vart samrøystes vedteke.

FORM- 060/2022 Vedtak:

Søknaden om kommunal straumstøtte/sal av konsesjonskraft på gunstige vilkår til Eikedalen Skisenter blir ikkje innvilga.

Rådmannen sitt framlegg til vedtak:

Søknaden om kommunal straumstøtte/sal av konsesjonskraft på gunstige vilkår til Eikedalen Skisenter blir ikkje innvilga.

Dokument som er vedlagt:

Søknad om kompensasjon (e-postmelding)

Søknad om straumtilskot

Årsrapport 2021 for Eikedalen Skisenter AS

Strømsituasjonen i Eikedalen Skisenter (e-postmelding)

Strømsituasjon i Eikedalen Skisenter

Vedteker for Samnanger kommune sitt næringsfond

Oppsummering:

Eikedalen Skisenter har gjennom Samnanger Næringsforum sendt søknad til kommunen om straumstøtte vintersesongen 2022/2023. Skisenteret fryktar at dei utan kommunal straumstøtte ikkje kan halda drifta ope komande vinter, grunna høge straumutgifter. Dei søker primært om å få kjøpa konsesjonskraft frå kommunen på gunstige vilkår.

Saksopplysningar:

Bakgrunn for saka:

Kommunen mottok 22.10.2022 ein søknad om tilskot til straumkostnader til Eikedalen Skisenter for vintersesongen 2022/2023. Søknaden vart sendt gjennom Samnanger Næringsforum v/leiar Knut Bjørnås. Bakgrunnen for søknaden er høge straumkostnader. Det er opplyst i søknaden at med dagens straumprisar, og forventa straumprisar gjennom vintersesongen, er det lite truleg at skitrekk kan halda drifta open komande vinter. Det er også opplyst at det er begrensa kor mykje av straumkostnaden som kan hentast inn ved auka billettprisar. Det blir i søknaden oppmoda om at kommunen snarast ser på kva moglegheiter han har til å hjelpa skisenteret økonomisk. Det blir i søknaden framheva at stenging av skisenteret vil ha negative ringverknader for næringslivet i Samnanger, for talet på arbeidsplassar i kommunen og for alpingruppa i Samnanger idrettslag. Årsrapport 2021 for Eikedalen Skisenter med revisjonsberetning og årsrekneskap låg ved søknaden.

Kommunen mottok 26.10.2022 eit skriv med utfyllande informasjon frå Eikedalen Skisenter. Dette gjeld mellom anna detaljar om kva straumavtalar skisenteret har. Det går i skrivet mellom anna fram at straumavtalen skisenteret har fram til 31.12.2022 gjer at det vil vera utelukka å produsera kunstsno i desember 2022, slik dei vanlegvis gjer, og at dette vil gje konkurrentane deira fortrinn. I tillegg blir det presisert at skisenteret ikkje er på jakt etter «kontantstøtte», men å kjøpa konsesjonskraft frå kommunen på gunstige vilkår (tilsvarande ordning som i Ullensvang kommune). Det er også opplyst at straumforbruket i vintersesongen (desember–april) utgjer om lag 350 000 kilowattimar (kWh), og at dersom straumprisen overstig 5 kroner per kWh vil det ikkje lenger vera grunnlag for drift med skisenteret sin noverande straumavtale.

I Samnanger er det per d.d. ingen kommunale ordningar med straumstøtte verken til innbyggjarar/husstandar, verksemdar eller lag/organisasjonar. Det er heller ikkje gjort nokon vedtak som opnar for å selja kommunen si konsesjonskraft på gunstige vilkår.

Faktagrunnlag, problemskildring og moglege løysingar:

Formannskapet handsama 06.10.2022 ei sak om kommunal straumstønad, på bakgrunn av eit initiativ frå Samnanger Kristeleg Folkeparti. Det vart der vedteke at eventuell bruk av generell straumstønad til innbyggjarane bør vurderast som tiltak på planlagt seminar for kommunestyret 01.11.2022 om relativ fattigdom. Bortsett frå dette, har det ikkje vorte gjort nokon vedtak om kommunal straumstøtte. Kommunestyret gjorde heller ikkje noko vedtak 01.11.2022.

I søknadsbrevet som kommunen mottok frå Samnanger Næringsforum (søknad datert 21.10.2022) går det fram at leiaren i næringsforumet har vore i kontakt med Voss Resort skisenter. Han har der fått informasjon om at dei inngjekk fastprisavtalar på straum for om lag to år sidan, og at skisentera på Voss derfor ikkje er direkte påverka av dei høge straumprisane.

I skriv datert 26.10.2022 frå Eikedalen Skisenter er det vist til ordning i Ullensvang kommune, ref. vedtak i Ullensvang kommunestyre 20.10.2022, og til at dagleg leiar for Røldal Skisenter har stadfesta at alle skisentera i Ullensvang får kjøpt straum for 1 kroner per kWh frå kommunen. Også nokre andre kommunar med høge kraftinntekter har innført kommunale straumstøtteordningar, for eksempel Suldal og Bykle. Dei aller fleste kommunane i landet har per i dag ikkje innført kommunale straumstøtteordningar, heller ikkje Samnanger.

Årsrapport 2021 for Eikedalen Skisenter AS med årsrekneskap og revisjonsberekning ligg ved søknaden. Det går der fram at selskapet fekk eit godt årsresultat i 2021 (ca. 5,98 millionar kroner). Dagleg leiar for skisenteret opplyser at det gode årsresultatet skuldast at dei måtte selja ein leilegheit/personalbustad og at dei selde seg ut av eit aksje-/rentefond, og at dette vart gjort for å finansiera nytt skitrekk som vart bygd i 2021.

Samnanger kommune kjøper årleg 22,321 GWh konsesjonskraft frå BKK. Prisen kommunen må betala for å kjøpa konsesjonskrafta blir fastsett av styresmaktene sentralt, og er i 2022 på 11,57 kroner per kWh. Kommunen betalar i underkant av 2,6 millionar kroner for konsesjonskrafta i 2022, og sel den vidare i marknaden gjennom ein forvaltar. Kommunestyret vedtok 28.10.2020 (i sak KS-077/2020) å gje rådmannen delegert fullmakt til å inngå avtalar om sikring av pris for sal av konsesjonskraft,

innanfor ein middels/låg risikoprofil. Kommunen har inngått avtale med firmaet Kinect Energy Spot AS om å forvalta heile konsesjonskraftporteføljen i perioden fram til 31.12.2024. Det ser per i dag ut til at kommunen kan få ei nettoinntekt på konsesjonskraft på om lag 34 millionar kroner i 2022. For 2023 er det per i dag forventa ei nettoinntekt på om lag 30 millionar kroner, men dette talet er usikkert.

Styresmaktene sentralt har innført nokre få støtteordningar for næringslivet (lånegarantiar og ei energitilskotsordning for straumintensive bedrifter). Det går ikkje fram av søknaden frå Eikedalen Skisenter om dei har avklart om dei vil kunne koma inn under nokon av desse ordningane. Regjeringa har signalisert at dei vurderer å innføre fleire straumstøtteordningar for næringslivet, men per i dag er det ikkje klart kva ordning/ordningar som vil bli innført, eller når dette eventuelt vil skje.

Styresmaktene sentralt har også innført ei søknadsbasert straumstøtteordning for frivillige lag og organisasjonar. For skisenter er denne ordninga berre aktuell dersom verksemda i hovudsak blir driven av frivillig arbeidsinnsats og det ikkje er høve for privatpersonar eller kommersielle føretak å oppnå økonomiske fordelar frå verksemda. Ordninga kan også gjelda skianlegg der idrettsklubb(ar) utgjer meir enn 50 prosent av eigarskapen i anlegget. Eikedalen Skisenter vil ikkje kunne koma inn under denne ordninga.

Eventuelle kommunal økonomisk støtte til næringsdrivande må gjevast i samsvar med gjeldande lov- og regelverk, mellom anna EØS-regelverket.

Samnanger kommune har eit næringsfond som verksemdar i kommunen kan søkja om midlar frå. Formannskapet er fondsstyre. Det går fram av vedtektene for næringsfondet at stønad frå fondet kan gjevast som lån eller garantiar, men at det ikkje kan gjevast stønad til den daglege drifta av verksemdar. Kopi av vedtektene frå næringsfondet følgjer vedlagt.

Uttalar frå andre:

Som nemnt ovanfor i dette dokumentet har Samnanger Næringsforum oppmoda om at kommunen snarast ser på kva moglegheiter han har til å hjelpe Eikedalen Skisenter økonomisk i den komande vintersesongen.

Vurderingar og konsekvensar:

Vurderingar:

Som det er vist til i søknaden, er Eikedalen Skisenter ei viktig verksemd i Samnanger kommune, og det vil ha konsekvensar dersom skisenteret må halda stengt. Rådmannen si vurdering er likevel at det per i dag ikkje vil vera rett å gje straumstøtte til ei enkeltverksemd. Ei eventuell ordning med kommunal straumstøtte til næringsdrivande bør ha tydelege reglar/vilkår og bli kunngjort, mellom anna for å sikra likebehandling. Kommunen har per no ikkje oversikt over eventuelle andre næringsdrivande som har utfordringar med dei høge straumprisane. Dersom ei slik ordning skal vurderast innført, bør dette helst gjerast i samband med handsaminga av årsbudsjett/økonomiplan eller årsrekneskap.

Rådmannen vil ikkje tilrå at Eikedalen Skisenter får tilbod om å kjøpa konsesjonskraft på gunstige vilkår. Årsaka til dette er både omsynet til likebehandling av næringsdrivande, samt at kommunen for å kunne tilby dette truleg vil måtte kjøpa seg ut av delar av kontrakten som er inngått med Kinect Energy Spot AS. I tillegg har ikkje Samnanger kommune ein økonomisk situasjon som tilseier at me bør innføre ei slik ordning, sjølv om me per i dag har gode inntekter frå konsesjonskraft.

Støtte frå næringsfondet vil neppe vera aktuelt å gje i dette tilfellet, jf. at vedtektene for fondet ikkje opnar for å gje stønad til den daglege drifta.

Rekneskapstala for 2021 tyder på at økonomien i Eikedalen Skisenter AS er god, mellom anna eigenkapitalsituasjonen. Det er vanskeleg for rådmannen å vurdere i kva grad selskapet sjølv har

moglegheit til å dekkja større ekstra straumkostnader.

Konsekvensar:

Dersom Eikedalen Skisenter får tilbod om å kjøpa konsesjonskraft på gunstige vilkår vintersesongen 2022/2023 (for eksempel til 1 krone per kWt), vil kommunen tapa inntekter på sal av konsesjonskraft. Dersom straumprisen for eksempel er 2 kroner og Eikedalen får kjøpa 350 000 kWt konsesjonskraft til 1 krone per kWt, tilseier eit enkelt reknestykke at kommunen vil tapa om lag 350 000 kroner i inntekter. Det faktiske tapet kan vera større eller mindre enn dette.

Det vil ha konsekvensar dersom Eikedalen Skisenter held stengt i delar eller heile vintersesongen 2022/2023. Skisenteret er eit viktig tilbod både lokalt i Samnanger og regionalt i Bergensområdet, og gir også ringverknader for næringslivet og arbeidsplassar i kommunen. Det er vanskeleg å vita konkret kor store konsekvensar det vil ha for andre verksemdar dersom Eikedalen Skisenter held stengt den komande vintersesongen, men det vil etter alt å døme bli redusert omsetnad/inntekt for nokon verksemdar i Samnanger.

Dersom kommunen innvilgar straumstøtte til Eikedalen Skisenter, vil dette føra til økonomiske utgifter eller inntektstap på sal av konsesjonskraft for kommunen. Eit slikt vedtak vil også kunne gje presendens. Av omsyn til likebehandling vil det bli vanskeleg for kommunen å ikkje innvilga eventuelle søknader frå andre verksemdar verksemdar i kommunen som har utfordringar med dei høge straumprisane. I så fall vil kommunen få ytterlegare ekstraavgifter/inntektstap.

Konklusjon:

Rådmannen tilrår ikkje at kommunen innvilgar søknaden om straumstøtte til Eikedalen Skisenter AS. Kommunestyret bør ta stilling til om det skal innførast ordning med straumstøtte for næringsdrivande i Samnanger, og korleis ordninga i så fall skal vera. Ei slik eventuell ordning bør kunngjerast, slik at alle næringsdrivande i målgruppa har moglegheit til å søkja.



SAKSFRAMLEGG

Sakshandsamar: Ragnhild Lønningdal	Arkivkode: FE-231
Arkivsaksnr: 18/1050	Løpenr: 22/8481
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	10.11.2022	061/2022
Kommunestyret	08.12.2022	076/2022

Renovasjonsgebyr 2023

10.11.2022 Formannskapet:

Handsaming i møtet:

Rådmannen sitt framlegg vart samrøystes vedteke.

FORM- 061/2022 Vedtak:

1. Samnanger kommune vedtek at BIR AS får delegert fullmakt til fakturering og innkreving av avfallsgebyret på vegner av kommunen, jfr § 12 i Forskrift om håndtering av avfall fra husholdning. Avfallsgebyret tilhører Samnanger kommune.

2. Prisen på renovasjonstenesta for 2023 vert sett ned med 1 %, med unntak av eigenandelen for levering til gjenvinningsstasjonane og einskilde tenester utanfor standard renovasjon. Desse vert haldne uendra. Samnanger kommune vedtek avfallsgebyr i tråd med følgjande vedlegg:

Prismatrise_Samnanger_2023.PDF

Rådmannen sitt framlegg til vedtak:

1. Samnanger kommune vedtek at BIR AS får delegert fullmakt til fakturering og innkreving av avfallsgebyret på vegner av kommunen, jfr § 12 i Forskrift om håndtering av avfall fra husholdning. Avfallsgebyret tilhører Samnanger kommune.

2. Prisen på renovasjonstenesta for 2023 vert sett ned med 1 %, med unntak av eigenandelen for levering til gjenvinningsstasjonane og einskilde tenester utanfor standard renovasjon. Desse vert haldne uendra. Samnanger kommune vedtek avfallsgebyr i tråd med følgjande vedlegg:

Prismatrise_Samnanger_2023.PDF

Dokument som er vedlagt:

Prismatrise_Samnanger_2023.PDF

Vedlegg 1 rammebudsjett_Rammebudsjett for lovpålagt renovasjon i BIR 2023-endelig.PDF

Saksopplysningar:

Bakgrunn for saka:

Kvart år skal eigarkommunane i BIR vedta nye renovasjonsgebyr for komande år, og gje delegert fullmakt til BIR om fakturering og innkreving av avfallsgebyr for privathushald. Gebyrregulativ for 2023 som er utarbeidd av BIR er vedlagt.

Faktagrunnlag, problemskildring og moglege løysingar:

Med bakgrunn i at BIR skal ha lik pris på lik teneste er det viktig at alle eigarkommunane vedtek like prisar. Det er også ein føresetnad at kommunen sine vedtak omfattar samtlege tenester som skal tilbydast av BIR med samanfallande prisliste. Prisen på renovasjonstenesta for 2023 vert føreslått sett ned med 1 %. I fjor vart prisen sett opp med 15 %.

Vurderingar og konsekvensar:

Renovasjon grunnpris inkluderer ei tømning eller fem lukeåpningar pr mnd av restavfall, papir og plast kvar 4 veke. Tømningar av restavfall utover dette blir fakturert etterskotsvis.

Det er rekna inntil 140 liter restavfall per bueining. Dersom kundar ønskjer høgare volum, betalast "Renovasjon grunnpris - ekstra volum".

Dersom det er fleire kundar enn berekna per behaldar/container, betalast éin "renovasjon grunnpris" per bueining.

Nedanfor visast grunnpris pr bueining og fritidsbustad og kostnad i 2021, 2022 og framlegg for 2023.

Grunnpris	Pris 2021	Pris 2022	Framlegg 2023	Endring beløp	Endring %	Merknad
Renovasjon grunnpris	2 219,05	2 552,11	2526,59	-25,52	-1 %	Per bueining
Grunnpris ekstra volum	2 019,05	2 321,90	2298,68	-23,22	-1 %	Per 140 L
Fritidsbustad	2 505,32	2 881,11	2852,30	-28,81	-1 %	Kat 1
Fritidsbustad	1 252,66	1 440,56	1426,16	-14,41	-1 %	Kat 2: 50 % av kat 1

Ei komplett oversikt over renovasjonsgebyra, «Pristabell 2023», ligg vedlagt, og me rår til at denne vert vedteken.



SAKSFRAMLEGG

Sakshandsamar: Karl Viken	Arkivkode:
Arkivsaksnr: 22/830	Løpenr: 22/8468
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	10.11.2022	062/2022
Kommunestyret	08.12.2022	077/2022

Betalingssatsar 2023 - Gebyr og Avgifter

10.11.2022 Formannskapet:

Handsaming i møtet:

Rådmannen sitt framlegg vart samrøystes vedteke.

FORM- 062/2022 Vedtak:

Samnanger kommunestyre vedtek gebyr- og betalingssatsar for 2023 slik dei ligg føre i [Gebyrliste - Samnanger kommune 2023](#).

Rådmannen sitt framlegg til vedtak:

Samnanger kommunestyre vedtek gebyr- og betalingssatsar for 2023 slik dei ligg føre i [Gebyrliste - Samnanger kommune 2023](#).

Dokument som ikkje er vedlagt:

Ingen

Saksopplysningar:

Samnanger kommunestyre skal vedta betalingssatsar for gebyr- og avgifter for 2023.

I 2022 og tidlegare år vart det laga fleire eigne saker, men med overgangen til Framsikt er det naturleg å samle alle betalingssatsane for gebyr og avgifter i ei sak som er linka opp mot gebyrdelen i Framsikt. Her vil ein gjennom budsjetthandsaminga, og etter at budsjettet er vedteke enkelt kunne finne aktuelle satsar på alle område.

Framlegget til rådmannen til betalingssatsar avgifter og gebyr for 2023, er publisert i Framsikt, og du finn dei under *Gebyrliste* i Framsikt.

Det går fram av gebyrlista kor mykje dei ulike satsane er i 2022 og 2023 og den prosentvise auken. I oppjusteringa av satsane på dei ulike områda i gebyrlista er det i all hovudsak brukt det som har vore normal oppjustering. Mange satsar er gjeve ein auke på nivå med den generelle prisauken; 3 %.

Uttalar frå andre:

Ingen

Vurderingar og konsekvensar:

Vurderingar:

Med dette framlegget til kommunale betalingssatsar vil prisnivået i all hovudsak verta vidareført.

Konsekvensar:

Nokre endringar frå 2022 til 2023 utover den generell prisauken.

Konklusjon:

Samnanger kommunestyre vedtek betalingssatsar for gebyr og avgifter for 2023 lik *gebyrliste* i Framsikt.

**SAKSFRAMLEGG**

Sakshandsamar: Jan Erik Boge	Arkivkode:
Arkivsaksnr: 22/831	Løpenr: 22/8469
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	10.11.2022	055/2022
Kommunestyret	08.12.2022	078/2022

Budsjett 2023 for kyrkja**10.11.2022 Formannskapet:**

Handsaming i møtet:

Innleiingsvis orienterte kyrkjeverje Britt Haukanes om budsjettframlegget til kyrkjestyret. Ho orienterte også om at det var ein summeringsfeil i vedlegget med kyrkjestyret sitt budsjettvedtak. Som følgje av dette er den reelle skilnaden mellom kommunestyret si løyving for 2022 og kyrkjestyret sitt budsjettforslag for 2023 meir enn 90 000 kroner større enn det som går fram i saksdokumenta. Britt Haukanes svara også på spørsmål frå formannskapet.

I røystinga i saka vart rådmannen sitt framlegg vedteke med sju mot to røyster.

For	Imot
Knut Harald Frøland (Bl)	Øyvind Røen (Sp)
Lena Tveit (Bl)	Odd Arne Haga (Frp)
Solveig Vassenden (Bl)	
Martin Haugen (Bl)	
Shirin Kvernes Khadoor (Ap)	
Jon Magne Borgevik (Ap)	
Øyvind Strømmen (MDG)	

FORM- 055/2022 Vedtak:

Samnanger kommune gir i 2023 eit driftstilskot på 3 181 300 kroner til Samnanger kyrkjestyre. I tillegg kjem kommunal tenesteyting vurdert til verdi av 60 000 kroner.

Kommunen gir òg eit investeringstilskot på 520 000 kroner til Samnanger kyrkjestyre i 2023, til følgjande tiltak:

- 300 000 kroner til ringjeanlegg i kyrkja på Ådland.
- 120 000 kroner til oppussing av våpenhuset (gangen) i kyrkja på Ådland.
- 100 000 kroner til planlegging av reparasjon/uviding av gravplass på Ådland.

Vedtaket er gjort med heimel i § 14 i Lov om tros- og livssynssamfunn.

Rådmannen sitt framlegg til vedtak:

Samnanger kommune gir i 2023 eit driftstilskot på 3 181 300 kroner til Samnanger kyrkjestyre. I tillegg kjem kommunal tenesteyting vurdert til verdi av 60 000 kroner.

Kommunen gir òg eit investeringstilskot på 520 000 kroner til Samnanger kyrkjestyre i 2023, til følgjande tiltak:

- 300 000 kroner til ringjeanlegg i kyrkja på Ådland.
- 120 000 kroner til oppussing av våpenhuset (gangen) i kyrkja på Ådland.
- 100 000 kroner til planlegging av reparasjon/uviding av gravplass på Ådland.

Vedtaket er gjort med heimel i § 14 i Lov om tros- og livssynssamfunn.

Dokument som er vedlagt:

Budsjettvedtak 2023 Samnanger kyrkjestyre

Dokument som ikkje er vedlagt:

- Lov om trus- og livssynssamfunn

Oppsummering:

Samnanger kyrkjestyre har i budsjettvedtaket sitt for 2023 bedt kommunen om driftstilskot på 3 533 900 kroner og 520 000 kroner i investeringsmidlar. Rådmannen foreslår at det blir gitt eit driftstilskot på 3 181 300 kroner og 520 000 kroner i investeringsmidlar. I tillegg kjem kommunal tenesteyting vurdert til ein verdi av 60 000 kroner.

Saksopplysningar:

Bakgrunn for saka:

Kommunen løyver kvart år midlar til driftsbudsjett for Samnanger kyrkjestyre (soknerådet som «fellesråd»). Budsjettet til kyrkjestyret er delt opp i administrasjon, kyrkjer, kyrkjegard og anna kyrkjeleg verksemd. Kommunen sitt økonomiske ansvar er lovregulert.

Kommunen har etter lov om trus- og livssynssamfunn økonomisk ansvar for kyrkja. Dette er spesifisert i § 14 i lova:

«Kommunen gir tilskudd til kirkens virksomhet lokalt, herunder tilskudd til bygging, vedlikehold og drift av kirkebygg. Tilskuddet skal sikre at kirkebyggene holdes i forsvarlig stand, slik at de kan benyttes til gudstjenester og kirkelige handlinger. Tilskuddet skal også sikre at soknet har tilfredsstillende bemanning ved gudstjenester og kirkelige handlinger, herunder kirketjener, klokker og organist/kantor ved hver kirke, og tilstrekkelig administrativ hjelp. Kommunens tilskudd gis etter budsjettforslag fra soknet. I budsjettforslaget skal også tilskudd til kirkelig undervisning, diakoni og kirkemusikk inngå.

Etter avtale med soknet kan kommunen yte tjenester i stedet for å gi tilskudd etter andre ledd.

Kommunen kan ta opp lån for å finansiere investeringer i kirkebygg og tilhørende varige driftsmidler.»

Kommunestyret kan også løyva midlar til investeringar knytt til kyrkja.

Kyrkjestyret si oppgåve er å fordela midlar til kyrkjebudsjettet. Kommunestyret skal bestemma kor stor ramma till kyrkja skal vera.

Faktagrunnlag, problemskildring og moglege løysingar:

Samnanger kyrkjestyre har i budsjettvedtaket sitt (kyrkjestyresak 31/22) foreslått eit kommunalt driftstilskot på 3 533 900 kroner i 2023. Dette er ein auke på om lag 552 000 kroner samanlikna med driftstilskotet for 2022. Kommunal tenesteyting kjem i tillegg.

Budsjett 2022 (tildelt driftstilskot frå kommunen)	Kyrkjestyret sitt budsjettframlegg for 2023
kr 3 051 354 i driftstilskot	kr 3 533 900 i driftstilskot
kr 70 000 i kommunal tenesteyting (inkl. IKT)	kr 57 500 i kommunal tenesteyting (ekskl. IKT)

Kyrkjestyret har i budsjettvedtaket sitt òg bedt om midlar til tre investeringsprosjekt i 2022:

- 300 000 kroner til ringjeanlegg i kyrkja på Ådland.
- 120 000 kroner til oppussing av våpenhuset (gangen) i kyrkja på Ådland.
- 100 000 kroner til planlegging av reparasjon/uviding av gravplass på Ådland.

Budsjettvedtaket/budsjettdokumentet til Samnanger kyrkjestyre følgjer vedlagt. Der er det diverse informasjon om bakgrunnen og premissane for budsjettvedtaket. Dette gjeld mellom anna bakgrunnen for auken i driftstilskotet som kyrkjestyret ber om for 2023. Hovudpunkt her er:

- 75 000 kroner i auke til vedlikehald og utstyr.
- 203 800 kroner i auke til lønn og avgifter, av dette er 117 100 kroner auke i pensjonsutgifter.
- 57 000 kroner i auke til straumutgifter.

Budsjettdokumentet inneheld òg oversikt/omtale av vedlikehalds- og investeringstiltak. Dette gjeld både tiltak som ligg inne i budsjettvedtaket og tiltak «på vent».

Vurderingar og konsekvensar:

Vurderingar:

Rådmannen si vurdering er at kyrkjestyret bør få auka driftstilskot i 2023 samanlikna med 2022, primært for å kompensera for auka prisar og lønnskostnader. Rådmannen har i framlegget sitt til lagt inn 3 181 300 kroner i driftstilskot til kyrkjestyret for 2023. I tillegg kjem tenesteyting, som er vurdert å ha ein verdi på 60 000 kroner. Tenesteytinga består av arbeid med lønn, økonomi og snøbrøyting. Rådmannen sitt framlegg inneber ein auke i driftstilskotet på 200 000 kroner (ca. 6,5 prosent) samanlikna med 2022. Dette er ein litt høgare prosentvis auke enn det rådmannen foreslår for einingane i kommunen. Det er likevel om lag 352 000 kroner i skilnad mellom rådmannen sitt forslag og tilskotssummen kyrkjestyret ber om.

Tenesteyting

Kommunen har tidlegare vurdert verdien av tenesteyting til å vera 70 000 kroner. Tenesteytinga var då inkludert IKT-teneste som var vurdert til 20 000 kroner pr. år. Dette er ei teneste som kyrkja no må kjøpa frå IKT Nordhordland, og delar av tenesteytinga er derfor gjort om til tilskot. Kommunen vurderer no tenesteytinga til å vera 60 000 pr. år. Då er det òg tatt omsyn til at verdien av

tenesteytinga har stått uendra nokre år. Kommunen sitt skifte av lønns- og økonomisystem i 2020 førte til at kyrkjekontoret gjer meir av arbeidet med bilagsføring sjølv, men det vil no likevel vera naturleg å vurdere verdien av den kommunale tenesteytinga litt opp.

Investeringar

Rådmannen har i framlegget sitt lagt inn midlar til alle dei tre investeringstilskota kyrkjestyret ber om i 2023, til saman 520 000 kroner. Eit av desse tiltaka er 100 000 kroner til planlegging av reparasjon/utviding av gravplassen på Ådland. I tillegg er det i rådmannen sitt økonomiplanframlegg lagt inn 1 million kroner i 2025 til gjennomføring av denne reparasjonen/utvidinga. Rådmannen har ikkje lagt inn midlar til nokon av vedlikehalds-/investeringstiltaka «på vent».

Konsekvensar:

Rådmannen har forståing for kyrkjestyret sin argumentasjon for å auka driftsbudsjettet samanlikna med 2022, men kan likevel ikkje tilrå ein så stor auke som kyrkjestyret ønskjer. Rådmannen har lagt inn auke som er tenkt å kompensera for auka prisar og lønnskostnader.

Dei tre investeringstiltaka som kyrkjestyret har bedt om midlar til for 2023, er lagt inn i rådmannen sitt framlegg og vil kunne gjennomførast då.



SAKSFRAMLEGG

Sakshandsamar: Karl Viken	Arkivkode: FE-151
Arkivsaksnr: 22/326	Løpenr: 22/8310
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	10.11.2022	063/2022
Kommunestyret	08.12.2022	079/2022

Budsjett og økonomiplan 2023- 2026

10.11.2022 Formannskapet:

Handsaming i møtet:

Forslag til endring av budsjettvedtak, foreslått av Odd Arne Haga, Framstegspartiet

Pkt 1 og 3 i rådmannens forslag til vedtak endres til budsjett for 2023 eller tas ut av forslaget. FRP kan ikke stemme for 95 mill til idrettshall på Lauskarmyra før kostnadene er verifisert.

Skulemat, foreslått av Odd Arne Haga, Framstegspartiet

Forslag til Gratis skulemat.

Det skal fra 1/1 2023 innføres gratis skolelunch til elevene ved Samnanger Ungdomsskole minimum 2 ganger i uken. I tillegg skal det fra 1/1 2023 innføres gratis frokost hver dag både på barneskolen og Ungdomsskolen.

Skolelunchen og frokost skal finansieres som følger;

KIWI og SPAR leverer matsvinn til redusert pris, dvs mat som er i ferd med å gå ut på dato. Bjørkheim kro og Milano skal også forespørres.

Resten tas av disposisjonsfondet

FRP 10/11-22

Styrketrening for eldre, foreslått av Odd Arne Haga, Framstegspartiet

Forslag til styrketrening av eldre personer over 70 år.

For at eldre over 70 år skal klare seg selv hjemme, unngå benbrudd, redusere demens, ensomhet og redusere behovet for helsetjenester skal alle som fyller 70 år få et tilbud om personlig styrketrening min. en til to ganger i uken fra 1/1 2023

Treningen finansieres som følger;

Egenbetaling etter evne.

Resten tas av disposisjonsfondet

FRP 10/11-22

Eiendomsskatt, foreslått av Odd Arne Haga, Framstegspartiet
Forslag til fjerning av eiendomsskatten.
All eiendomsskatt på hus og hytter skal fjernes fra 1/1 2023
Finansieres som følger;
Tas av disposisjonsfondet

FRP 10/11-22

Vinteropen kunstgrasbane i Hagabotnane, foreslått av Martin Haugen, Bygdalista
Premiss nr. 12 vert tatt inn i budsjett for 2023. Det vert sett av 165 000 til brøyteutstyr 40 000 til ekstra årleg vedlikehald. Finansiering vert teken frå disposisjonsfondet.

Bubilparkering, foreslått av Knut Harald Frøland, Bygdalista
Det skal utarbeidast plan (tiltak, finansiering og framdriftsplan) for bubilparkering på Bjørkheim nede ved Vågen. Dersom tiltaket ikkje lar seg utføre før ny områdeplan på Bjørkheim er vedtatt skal det inngå som del av ny områdeplan.
Rådmann leverer sak til første kommunestyremøte i 2023.

Relativ fattigdom, foreslått av Knut Harald Frøland, Bygdalista
Kommunestyret ber rådmann vurdere løysingar for å bekjempe relativ fattigdom i Samnanger kommune. Som del av dette arbeidet ber kommunestyret rådmann vurdere følgjande løysing: Kommunen opprettar ei ny teneste som skal kontakte familiar som lever med relativ fattigdom, der familiane blir møtt med stor respekt og forståelse for at det er familiane sjølv som veit kva problem dei har. På grunnlag av møta med familiane skal det setjast opp tilpassa støttetiltak/handlingsprogram for den enkelte familie (startlån etc). Det skal i oppfølginga av familiar vere ei spesielt fokusering på økonomisk veiledning. Den nye tenesta får eit særskilt koordineringsansvar for å involvere kommunens samla tenester til støtte for familiane som lever i relativ fattigdom. Det skal i vurdering av løysingar for å bekjempe relativ fattigdom vere prioritert å nytte kommunens tilgjengeleg ressursar, at det ikkje nødvendigvis skal medføre fleire tilsette.
Kommunestyret oppfordrar rådmann til å hente kunnskap og inspirasjon frå «Familiepartner», ei løysing utvikla av SOS barnebyer. Kommunestyret oppfordrar rådmann til også å hente kunnskap og inspirasjon frå ReHabiliteringsklinikken v/ Helse Bergen.
Rådmann leverer sak til kommunestyret våren 2023.

Ny kunstgrasbane i Hagabotnane, foreslått av Knut Harald Frøland, Bygdalista
Rådmann får i oppgåve å undersøkje moglegheiter for etablering av ny kunstgrasbane m/undervarme i Hagabotnane. Rådmann leverer sak til kommunestyret våren 2023.

Motorsportbane, foreslått av Knut Harald Frøland, Bygdalista
Rådmann får i oppgåve å undersøkje moglegheitar for å etablere motorsportbane for trial og enduro i Samnanger. Rådmann leverer sak til kommunestyret ila 2023.

Handsaming:

Innleiingsvis orienterte Ove Sæbø om rådmannen sitt framlegg til budsjett og økonomiplan.

Knut Harald Frøland (BI) sette fram framlegg om fire tilleggspunkt.

Shirin Kvernes Khadoor (Ap) bad om gruppemøte.

Odd Arne Haga (Frp) sette fram framlegg om fire tilleggspunkt.

Martin Haugen (Bl) sette fram framlegg om eit tilleggspunkt.

Etter gruppemøtet sette Knut Harald Frøland fram følgjande framlegg til vedtak:

"Framlegget frå rådmannen til budsjett og økonomiplan 2023–2026 blir lagt ut på høyring, og innkomne tilleggspunkt blir lagt med som protokollmerknad til høyringa."

Før røystinga bad Øyvind Røen (Sp) om at møtereferenten får fullmakt til å omsetja dei framlegga (tilleggspunkta) som var skrivne på bokmål til nynorsk. Formannskapet slutta seg til dette.

Framlegget som Knut Harald Frøland sette fram etter gruppemøtet vart samrøystes vedteke.

Tilleggspunkt/protokollmerknad:

Etter omsetjing til nynorsk av tilleggspunkta frå Framstegspartiet, er tilleggspunkta (protokollmerkna) som følgjer:

Tilleggspunkt 1. Forslag til endring av budsjettvedtak. Sett fram av Odd Arne Haga, Framstegspartiet:
Pkt. 1 og 3 i rådmannen sitt forslag til vedtak vert endra til budsjett for 2023 eller blir teke ut av forslaget. Frp kan ikkje stemme for 95 mill. til idrettshall på Lauskarmyra før kostnadene er verifiserte.

Tilleggspunkt 2. Skulemat. Sett fram av Odd Arne Haga, Framstegspartiet:

Forslag til Gratis skulemat.

Det skal frå 1/1-2023 innførast gratis skulelunsj til elevane ved Samnanger ungdomsskule minimum 2 gongar i veka. I tillegg skal det frå 1/1-2023 innførast gratis frukost kvar dag både på barneskulen og ungdomsskulen.

Skulelunsjen og frukosten skal finansierast som følgjer;

KIWI og SPAR leverer matsvinn til redusert pris, dvs. mat som er i ferd med å gå ut på dato.

Bjørkheim Kro og Milano skal også førespørjast.

Resten vert teke av disposisjonsfondet.

Tilleggspunkt 3. Styrketrening for eldre. Sett fram av Odd Arne Haga, Framstegspartiet:

Forslag til styrketrening av eldre personar over 70 år.

For at eldre over 70 år skal klare seg sjølve heime, unngå beinbrot, redusera demens, einsemd og redusere behovet for helsetenester skal alle som fyller 70 år få eit tilbod om personleg styrketrening minst ein til to gongar i veka frå 1/1-2023

Treninga vert finansiert som følgjer;

Eigenbetaling etter evne.

Resten vert teke av disposisjonsfondet.

Tilleggspunkt 4. Eigedomsskatt. Sett fram av Odd Arne Haga, Framstegspartiet:

Forslag til fjerning av eiendomsskatten.

All eiendomsskatt på hus og hytter skal fjernast fra 1/1-2023

Vert finansiert som følgjer;

Vert teke av disposisjonsfondet.

Tilleggspunkt 5. Vinteropen kunstgrasbane i Hagabotnane. Sett fram av Martin Haugen, Bygdalista:

Premiss nr. 12 vert tatt inn i budsjett for 2023. Det vert sett av 165 000 til brøyteutstyr 40 000 til ekstra årleg vedlikehald. Finansiering vert teken frå disposisjonsfondet.

Tilleggspunkt 6. Bubilparkering. Sett fram av Knut Harald Frøland, Bygdalista:

Det skal utarbeidast plan (tiltak, finansiering og framdriftsplan) for bubilparering på Bjørkheim nede ved Vågen. Dersom tiltaket ikkje lar seg utføre før ny områdeplan på Bjørkheim er vedtatt skal det inngå som del av ny områdeplan.

Rådmannen leverer sak til første kommunestyremøte i 2023.

Tilleggs punkt 7. Relativ fattigdom. Sett fram av Knut Harald Frøland, Bygdalista:

Kommunestyret ber rådmannen vurdere løysingar for å bekjempe relativ fattigdom i Samnanger kommune. Som del av dette arbeidet ber kommunestyret rådmannen vurdere følgjande løysing: Kommunen opprettar ei ny teneste som skal kontakte familiar som lever med relativ fattigdom, der familiene blir møtte med stor respekt og forståing for at det er familiene sjølv som veit kva problem dei har. På grunnlag av møta med familiene skal det setjast opp tilpassa støttetiltak/handlingsprogram for den enkelte familie (startlån etc). Det skal i oppfølginga av familiar vere ei spesielt fokusert på økonomisk veiledning. Den nye tenesta får eit særskilt koordineringsansvar for å involvere kommunen sine samla tenester til støtte for familiene som lever i relativ fattigdom.

Det skal i vurdering av løysingar for å bekjempe relativ fattigdom vere prioritert å nytte kommunen sine tilgjengeleg ressursar, at det ikkje nødvendigvis skal medføre fleire tilsette.

Kommunestyret oppfordrar rådmannen til å hente kunnskap og inspirasjon frå «Familiepartner», ei løysing utvikla av SOS-barnebyer. Kommunestyret oppfordrar rådmannen til også å hente kunnskap og inspirasjon frå ReHabiliteringsklinikken v/Helse Bergen.

Rådmannen leverer sak til kommunestyret våren 2023.

Tilleggs punkt 8. Ny kunstgrasbane i Hagabotnane. Sett fram av Knut Harald Frøland, Bygdalista:

Rådmannen får i oppgåve å undersøkje moglegheiter for etablering av ny kunstgrasbane m/undervarme i Hagabotnane. Rådmannen leverer sak til kommunestyret våren 2023.

Tilleggs punkt 9. Motorsportbane. Sett fram av Knut Harald Frøland, Bygdalista:

Rådmannen får i oppgåve å undersøkje moglegheiter for å etablere motorsportbane for trial og enduro i Samnanger. Rådmannen leverer sak til kommunestyret i løpet av 2023.

FORM- 063/2022 Vedtak:

Framlegg frå rådmannen til budsjett og økonomiplan 2023–2026 blir lagt ut på høyring, og innkomne tilleggs punkt blir lagt med som protokollmerknad til høyringa.

Dokument som er vedlagt:

Vedtekte budsjettpremissar for 2023- 2026

Statsbudsjettet 2023 - kommuneopplegget

Brev frå Statsforvaltaren i Vestland Økonomiplan 2022- 2025

Plan prosjekt framtidig behov - tenestestruktur og lokasjonar

Program handlefridom - gjennomgang av drifta

Vedtekter innovasjons- og utviklingsfond - framlegg

Rådmannen sitt framlegg til vedtak:

Rådmannen sitt framlegg til budsjett for 2023-2025 i Framsikt vert lagt ut på høyring. Høyringsfrist vert sett til 24. november. Link til budsjettframlegget: [Økonomiplan 2023- 2026 Samnanger \(framsikt.net\)](https://framsikt.net)

1. Rådmannen sitt framlegg til budsjett 2023 og økonomiplan 2023- 2026 vert vedteke slik det

ligg føre

2. Budsjettert låneopptak i 2023 med bakgrunn i investeringsbudsjettet er på samla 26,66 mill. kr. Av dette skal det takast opp eit lån på 5,5 mill. kr innan sjølvkost som skal gå til VA infrastruktur (4 mill. kr) og Reservevassforsyning (1,5 mill. kr).

Dette i samsvar med kommunelova § 14-15 fyrste ledd.

3. Økonomiplan for 2023-2026 og årsbudsjett for 2023 vert lik oppstillingane i bevilgningsoversikt drift §5-4, bevilgningsoversikt investering §5-5, økonomisk oversikt drift §5-6 og oversikt gjeld og andre vesentlege langsiktige forpliktingar §5-7.
4. Årsbudsjettet for 2023 vert vedteke på sum netto driftsrammer for sektorane, rådmann, fellesinntekter og felleskostnader.
5. Rådmannen vert gjeven fylgjande fullmakter innanfor budsjettet sine rammer (jf. samsvar Økonomireglement og kommunen sitt finansreglement):
 - Justere budsjetta som følgje av sentrale og lokale lønsoppgjer
 - Budsjettreguleringar innanfor sektorane sine rammer
 - Gjennomføre låneopptak; nye lån og refinansieringar
 - Utføre budsjettreguleringar av teknisk karakter innanfor drift og investering
6. Kontrollutvalet vert gjeve ei ramme på 848 100 kr.
7. Barnevernsutvalet sitt budsjett vert vidareført, oppjustert til 2023- tal.
8. Det vert starta eit arbeid med heilskapleg plan for framtidige behov.
9. Program for handlefridom skal gjennomførast i planperioden 2023- 2026.
10. Det vert oppretta eit kommunalt innovasjons- og utviklingsfond med eigne vedtekter. Fullmakt og delegering vert ført inn i kommunen sitt delegeringsreglement.
11. Det vert gjeve ei fullmakt frå politisk nivå til rådmann i høve til å framforhandle avtalar som kan avslutte pågåande rettssaker innanfor barnevernsområdet. Dette innanfor dei økonomiske rammene for budsjett 2023.
12. Tilskot til Samnanger kyrkjestyre vert lagt fram i eiga sak

13. Betalingssatsar – gebyr avgifter 2023 vert lagt fram i eiga sak

14. Det vert skrive ut eigedomsskatt på faste eigedomar i kommunen i 2023. Den generelle skattesatsen som skal gjelda for dei skattepliktige eigedomane vert sett til 7 %. Satsane er differensiert ved at den satsen som skal gjelda for bustader og fritidseigedomar vert sett til 1,4 %. Satsen for bustadar og fritidseigedomar vert med det halvert.

For bustaddelen av eigedomen (gjeld og fritidseigedom) vert det gitt eit botnfrådrag på kr 30 000 av takstverdi. Botnfrådraget vert gitt for alle sjølvstendige bustaddelar. Botnfrådrag vert ikkje gitt når eigedomen vert nytta til næringsverksemd.

Det vert skrive ut eigedomsskatt på det særskilte skattegrunnlaget som vert redusert med 5/7 delar i 2023. Skattesatsen på det særskilte skattegrunnlaget skal være 7 promille.

I medhald av eigedomsskattelova vert det gjeve fritak til stiftingar eller institusjonar som har som formål å gagna kommunen, fylket eller staten. Unnateke er kommersielle stiftingar/ institusjonar. Fritaket vil gjelda forsamlingshus, bedehus, turisthytter og liknande. Fritak kan og vurderast på grunnlag av søknad.

I medhald av eigedomsskattelova vert det gjeve fritak for bygningar som har historisk verdi med 100 prosent. Fritak kan og vurderast på grunnlag av søknad. Det er eit krav at bygget har bevart sin opphavlege arkitektoniske stil og at det ikkje vert brukt til forretningsverksemd.

I medhald av eigedomsskattelova vert det gjeve fritak for nybygde bustadeigedomar (gjeld ikkje fritidseigedomar) i 2 år, eller til kommunestyret endrar eller opphevar fritaket. Formannskapet får fullmakt til å avgjera einskildsaker om skattefritak.

Kommunestyret har vedtatt å bruka formuesgrunnlag frå skatteetaten for utskriving av eigedomsskatt på bustadhus. Bustadhus og hytter utan formuesgrunnlag vert takserte. Det same gjeld næringsverksemd, tomtar mm. Ved taksering og utskriving av eigedomsskatt nyttar kommunen dei til ei kvar tid gjeldande skattevedtekter.

Dokument som er vedlagt:

Vedtekne budsjettpremissar for 2023- 2026

Statsbudsjettet 2023 - kommuneopplegget

Brev frå Statsforvaltaren i Vestland Økonomiplan 2022- 2025

Plan prosjekt framtidig behov - tenestestruktur og lokasjonar

Program handlefridom - gjennomgang av drifta

Vedtekter innovasjons- og utviklingsfond - framlegg

Dokument som ikkje er vedlagt:

Økonomireglement

Finansreglement

Kva saka gjeld:

Økonomiplan for perioden 2023- 2026 og årsbudsjett for 2023 for Samnanger kommune.

Rådmannen sitt framlegg i Framsikt følgjer saka.

Det går fram av § 14-2 i kommunelova at kommunestyret skal vedta økonomiplanen og årsbudsjettet. Det går vidare fram av kommunelova (§ 14-3) at økonomiplanen og årsbudsjettet skal vedtakast før årsskiftet. Økonomiplanperioden er fire år.

Formannskapet skal etter kommunelova § 14-3 gje innstilling til kommunestyret til vedtak om økonomiplan og årsbudsjett.

Kapittel 14 i kommunelova gir også reglar om innhald og inndeling av økonomiplanen og årsbudsjettet.

Eigedomsskatt

I medhald av eigedomsskattelova vert det skrive ut eigedomsskatt på faste eigedomar i heile kommunen. Den generelle skattesatsen som skal gjelda for dei skattepliktige eigedomane vert sett til 7 ‰. Satsane vert differensiert ved at den satsen som skal gjelda for bustader og fritidseigedomar vert sett til 1,4 ‰. Satsen for bustadar og fritidseigedomar vert med det halvert.

For bustaddelen av eigedomen (gjeld og fritidseigedom) vert det gitt eit botnfrådrag på kr 30 000 av takstverdi. Botnfrådraget vert gitt for alle sjølvstendige bustaddelar. Botnfrådrag vert ikkje gitt når eigedomen vert nytta til næringsverksemd.

Det vert skrive ut eigedomsskatt på det særskilte skattegrunnlaget som vert redusert med 5/7 delar i 2023. Skattesatsen på det særskilte skattegrunnlaget skal være 7 promille.

I medhald av eigedomsskattelova vert det gjeve fritak til stiftingar eller institusjonar som har som formål å gagna kommunen, fylket eller staten. Unnateke er kommersielle stiftingar/ institusjonar. Fritaket vil gjelda forsamlingshus, bedehus, turisthytter og liknande. Fritak kan og vurderast på grunnlag av søknad.

I medhald av eigedomsskattelova vert det gjeve fritak for bygningar som har historisk verdi med 100 prosent. Fritak kan og vurderast på grunnlag av søknad. Det er eit krav at bygget har bevart sin opphavlege arkitektoniske stil og at det ikkje vert brukt til forretningsverksemd.

I medhald av eigedomsskattelova vert det gjeve fritak for nybygde bustadeigedomar (gjeld ikkje fritidseigedomar) i 2 år, eller til kommunestyret endrar eller opphevar fritaket. Formannskapet får fullmakt til å avgjera einskildsaker om skattefritak.

Kommunestyret har vedtatt å bruka formuesgrunnlag frå skatteetaten for utskriving av eigedomsskatt på bustadhus. Bustadhus og hytter utan formuesgrunnlag vert takserte. Det same gjeld næringsverksemd, tomtar mm. Ved taksering og utskriving av eigedomsskatt nyttar kommunen dei til ei kvar tid gjeldande skattevedtekter.

Eigedomsskatten skal betalast i 4. terminar.

Vurderingar og konsekvensar:

I rådmannen sitt framlegg til budsjett vert budsjettpremissane som kommunestyret vedtok følgt opp og innarbeida i framlegget. Vedtekne budsjettpremissar er vedlagt saka.

Det som ligg utanom budsjettet i høve til premissvedtak i juni, og som kommunestyret må ta stilling til er premiss nr 12. Til budsjettmøtet i desember skulle administrasjonen utgreie kva som skal til for å halda kunstgrasbana open, og eventuell kostnad med å halda kunstgrasbana vinteropen vert teken inn i budsjett for 2023. Det som ligg som ønska tiltak er 165 000 kr til brøyteutstyr og 40 000 kr til

årleg ekstra vedlikehald grunna brøytinga.

I tillegg har ein ikkje klart å få netto driftsresultat så høgt som nøkkeltalet skulle tilseia; 2,5 %. Rådmannen er likevel nøgt med å kunne budsjettere med eit nettodriftsresultat for 2023 på 2,2 %. Eit slikt resultat for 2023 vil vere høgare enn tilrådd nivå på 1,75 %. Budsjettert netto driftsresultat for åra 2024- 2026 er og på eit tilfredstillande nivå; frå 1,7 % til 3,9 %. Dette er særskild viktig, då gjeldsgraden til kommunen vil auke monaleg; frå 90 % i 2021 til 113 % i 2026.

Det vert elles vist til rådmannen sitt framlegg i Framsikt, og vedlegg til politisk sak for ytterlegare informasjon.



SAKSFRAMLEGG

Sakshandsamar: Jan Erik Boge	Arkivkode: FE-033
Arkivsaksnr: 22/517	Løpenr: 22/5839
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	10.11.2022	054/2022
Kommunestyret	08.12.2022	080/2022

Godkjenning av møteplan for 2023

10.11.2022 Formannskapet:

Handsaming i møtet:

Rådmannen sitt framlegg vart samrøystes vedteke.

FORM- 054/2022 Vedtak:

Framlegget til møteplan for 2023 blir vedteke. Vedtaket er gjort med heimel i § 11-2 i kommunelova.

Rådmannen sitt framlegg til vedtak:

Framlegget til møteplan for 2023 blir vedteke. Vedtaket er gjort med heimel i § 11-2 i kommunelova.

Dokument som er vedlagt:

Politisk møteplan 2023 - framlegg frå rådmannen

Dokument som ikkje er vedlagt:

- Kommunelova
- Reglement for kommunestyret, formannskapet, naturutvalet og kontrollutvalet
- Kommunestyret sitt vedtak 22.02.2018 i sak 002/2018
- Kommunestyret sitt vedtak 06.05.2021 i interpellasjon om møtetidspunkt i kommunestyret

Oppsummering/samandrag:

Møteplan for 2023 for kommunestyret og diverse andre kommunale organ skal vedtakast av kommunestyret i desembermøtet 2022. Rådmannen har utarbeidd forslag til møteplan for 2023. Rådmannen sitt forslag blir handsama av formannskapet, som gir innstilling til kommunestyret.

Saksopplysningar:

Bakgrunn for saka:

Jf. kommunestyrevedtak i sak 002/2018 og punkt 2.22 i kommunen sitt reglement skal det i kommunestyret sitt desembermøte leggjast fram sak om møteplan for neste kalenderår. Møteplanen skal ifølgje vedtaket omfatta kommunestyret, formannskapet, naturutvalet, administrasjonsutvalet, arbeidsmiljøutvalet, eldrerådet, ungdomsrådet og rådet for personar med nedsett funksjonsevne.

Kontrollutvalet, som har eige sekretariat som ikkje har tilknytning til kommuneadministrasjonen, fastset møteplanen sin sjølv.

Faktagrunnlag, problemskildring og moglege løysingar:

Generelle reglar for fastsetjing av møteplan står i punkt 2.22 i kommunen sitt reglement for kommunestyret, formannskapet, naturutvalet og kontrollutvalet. Desse reglane er baserte på kommunestyret sitt vedtak i sak 002/2018, og er som følger:

Generelle reglar for fastsetjing av møteplan

Frå og med 2018 skal det i kommunestyret sitt desembermøte leggjast fram sak om møteplan for kommunestyret, formannskapet, naturutvalet, administrasjonsutvalet, arbeidsmiljøutvalet, eldrerådet, ungdomsrådet og rådet for personar med nedsett funksjonsevne. Kommunestyret skal der vedta møteplanen for desse organa for det komande året. Det enkelte organet skal ha fullmakt til å gjera justeringar i møteplanen sin i løpet av året dersom det er behov for dette.

Kontrollutvalet, som har eige sekretariat som ikkje har tilknytning til kommuneadministrasjonen, fastset møteplanen sin sjølv.

Frå og med 2022 er ikkje arbeidsmiljøutvalet med i rådmannen sitt framlegg til møteplan. Årsaka til dette er at arbeidsmiljøutvalet med verknad frå 21.10.2021 er eit reint administrativt organ utan politiske medlemmer, jf. vedtak i kommunestyret 21.10.2021 i sak 097/2021.

På møteplanen for 2023 må det også setjast opp møte i valstyret, som følgje av at det skal vera kommunestyre- og fylkestingsval i 2023. Det er i rådmannen sitt forslag ikkje lagt inn møte i skulane sine ferieveker.

I rådmannen sitt framlegg til møteplan for 2023 er det lagt inn følgjande tal møte:

Organ/utval/råd	Tal møte i 2023	Møtedag
Kommunestyret	8*	Torsdag
Formannskapet	6	Torsdag
Naturutvalet	6	Tysdag
Valstyret	4	Ikkje fast møtedag

Organ/utval/råd	Tal møte i 2023	Møtedag
Adm.utvalet	2	Torsdag
Eldrerådet	4	Tysdag
Ungdomsrådet	6	Tysdag
Rådet for pers. med nedsett f.evne	3	Onsdag

Det sett opp to møte i kommunestyret i oktober 2023. Det første av desse er avslutningsmøte for det noverande kommunestyret, og det andre er konstituerande møte for det nyvalde kommunestyret. Det er også sett opp ein dag med folkevaldopplæring for det nye kommunestyret i november 2023.

Økonomi:

Tabellen nedanfor viser kva kostnadene til møtegodtgjersle vil bli med rådmannen sitt forslag til møteplan for 2023. Kostnader til møtegodtgjersle til varamedlemmer som møter i enkeltsaker, mat under møta og eventuell dekking av tapt arbeidsforteneste vil koma i tillegg. Kostnader til møtegodtgjersle for kontrollutvalet vil også koma i tillegg.

Organ	Sats for møte- godtgjersle	Tal med- lemmer*	Møte- godtgjersle pr. møte	Tal møte i 2023	Sum møte- godtgjersle 2023	Arb.gj.avgift (14,1 %)	Sum 2023 inkl. arb.gj.avgift
Kommunestyret	1 810	20	36 200	8	289 600	40 834	330 434
Formannskapet	1 810	8	14 480	6	86 880	12 250	99 130
Naturutvalet	1 810	9	16 290	6	97 740	13 781	111 521
Valstyret	1 810	8	14 480	4	57 920	8 167	66 087
Administrasjonsutvalet	1 810	4	7 240	2	14 480	2 042	16 522
Eldrerådet	1 810	5	9 050	4	36 200	5 104	41 304
Ungdomsrådet	460	6	2 760	6	16 560	2 335	18 895
Rådet for pers. med nedsett funksjonsevne	1 810	3	5 430	3	16 290	2 297	18 587
SUM					615 670	86 809	702 479

**) Medlemmer som får utbetalt møtegodtgjersle*

Uttalar frå andre råd, utval eller instansar:

Det ligg ikkje føre nokon uttalar. Som nemnt ovanfor i saksutgreiinga, fastset kontrollutvalet møteplanen sin sjølv.

Vurderingar og konsekvensar:

Rådmannen foreslår ingen vesentlege endringar i møtefrekvens for politiske organ i 2023 i forhold til 2022. Rådmannen har i arbeidet med saka vurdert å foreslå ein ekstra møterunde i vårhalvåret for kommunestyret, formannskapet og naturutvalet. Det hadde i så fall vorte fire møterundar i vårhalvåret, i staden for tre. Det har dei siste åra vore nokre utfordringar knytt til at det har vore relativt lang tid mellom dei to siste møterundane i vårhalvåret (primært at det har vorte mange saker til handsaming i møterunden i juni). Rådmannen foreslår likevel at det framleis skal vera tre møterundar i vårhalvåret, ikkje fire. Det vil vera krevjande for administrasjonen dersom det skal vera kortare tid mellom møterundane på vårhalvåret enn det er no. Det er mykje administrativt arbeid i samband med kvar møterunde, og arbeidsmengda vil auka dersom talet på møterundar/møte skal aukast.



SAKSFRAMLEGG

Sakshandsamar: Jan Erik Boge	Arkivkode: FE-033
Arkivsaksnr: 22/517	Løpenr: 22/8444
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	10.11.2022	059/2022
Kommunestyret	08.12.2022	081/2022

Ordning med høve til fjernmøte for folkevalde organ i Samnanger

10.11.2022 Formannskapet:

Handsaming i møtet:

Rådmannen sitt framlegg vart samrøystes vedteke.

FORM- 059/2022 Vedtak:

Det blir med verknad frå 01.01.2023 innført som fast ordning at folkevalde organ i Samnanger kommune ved behov kan halda møte som fjernmøte (digitale møte). Møte skal berre haldast som fjernmøte dersom det ligg føre forhold som tilseier at organet ikkje kan samlast til fysisk møte, for eksempel omsyn til smittevern.

Publikum skal ha moglegheit til å vera til stades (ha digital tilgang) til alle fjernmøte i folkevalde organ, med unntak av i saker som blir handsama i lukka møte.

Vedtaket er gjort med heimel i kommunelova § 11-7 første avsnitt.

Rådmannen sitt framlegg til vedtak:

Det blir med verknad frå 01.01.2023 innført som fast ordning at folkevalde organ i Samnanger kommune ved behov kan halda møte som fjernmøte (digitale møte). Møte skal berre haldast som fjernmøte dersom det ligg føre forhold som tilseier at organet ikkje kan samlast til fysisk møte, for eksempel omsyn til smittevern.

Publikum skal ha moglegheit til å vera til stades (ha digital tilgang) til alle fjernmøte i folkevalde organ, med unntak av i saker som blir handsama i lukka møte.

Vedtaket er gjort med heimel i kommunelova § 11-7 første avsnitt.

Dokument som ikkje er vedlagt:

- Kommunelova

- Reglement for kommunestyret, formannskapet, naturutvalet og kontrollutvalet

Oppsummering:

Kommunestyret vedtok i 2021 mellombels ordning med høve til fjernmøte (digitale møte) for folkevalde organ i kommunen. Ordninga gjeld fram til 31.12.2022. Rådmannen foreslår no å innføra fast ordning med høve til fjernmøte for folkevalde organ, men med ei presisering om at publikum skal ha moglegheit til å vera til stades (ha digital tilgang) til alle fjernmøte.

Saksopplysningar:

Bakgrunn for saka:

Kommunestyret har i samband med koronapandemien vedteke at alle folkevalde organ i kommunen ved behov kan halda møte som fjernmøte (digitale møte) fram til 31.12.2022. Kommunestyret må no ta stilling til om ordninga skal vidareførast, endrast eller avsluttast.

Faktagrunnlag, problemskildring og moglege løysingar:

Kommunestyret gjorde i perioden med koronapandemi tre vedtak om høve til fjernmøte. Vedtaka vart gjort 28.10.2020, 10.06.2021 og 02.12.2021. Bakgrunnen for vedtaka var primært behovet for å gjennomføra møte som fjernmøte på grunn av koronapandemien, som eit førebyggjande tiltak mot smitte. I vedtaket som kommunestyret gjorde 02.12.2021 er det presisert at møte berre skal haldast som fjernmøte dersom dette blir vurdert som nødvendig av smittevernomsyn eller andre forhold som tilseier at organet ikkje kan samlast til fysisk møte.

Det går fram av kommunelova § 11-7 at det er kommunestyret som avgjer om folkevalde organ i kommunen skal ha høve til å halda møte som fjernmøte. Dersom kommunestyret ikkje har gjort vedtak som opnar for fjernmøte, kan folkevalde organ som hovudregel ikkje halda møte som fjernmøte. Etter reglane i kommunelova vil det i så fall berre vera høve til å nytta fjernmøte i såkalla hastesaker, ref. reglar i kommunelova § 11-8.

Smitteverntiltak knytt til koronapandemien er no i all hovudsak avvikla, og koronapandemien kan neppe lenger brukast som argument for å bruka fjernmøte som møteform. Det kan likevel vera andre argument for at det bør vera opning for fjernmøte i folkevalde organ i kommunen.

Møta i kommunestyret, formannskapet og naturutvalet blir overførte på internett, og det blir også lagt ut opptak frå møta. Denne ordninga gjeld ikkje for møta i andre folkevalde organ i kommunen.

Kommunen sitt Reglement for kommunestyret, formannskapet, naturutvalet og kontrollutvalet inneheld ingen reglar om/for fjernmøte.

Vurderingar og konsekvensar:

Vurderingar:

Kommunestyret kan velja to hovudalternativ i denne saka:

1. Bestemma at det ikkje lenger (etter 31.12.2022) skal vera høve til fjernmøte for folkevalde organ i kommunen, bortsett frå i hastesaker.
2. Bestemma at det skal innførast permanent ordning med høve til fjernmøte for folkevalde organ i kommunen.

Alternativ 1 bør veljast dersom kommunestyret meiner at det berre er i spesielle situasjonar/periodar (for eksempel under ein pandemi) det skal opnast for at ordinære møte i folkevalde organ skal haldast som fjernmøte. I så fall må kommunestyret gjera vedtak dersom det for eksempel oppstår ein ny pandemi.

Alternativ 2 bør veljast dersom kommunestyret meiner det skal innførast ei generell ordning der det blir opp til leiaren i det enkelte folkevalde organet å avgjera om eit møte skal haldast som fysisk møte eller fjernmøte. Det kan også tenkjast ei mellømløysing, der det blir opna for fjernmøte i spesielle situasjonar (for eksempel i samband med pandemi). I tillegg kan det tenkjast at ein variant der det berre blir opna for fjernmøte i dei organa som overfører møta sine på internett.

Sjølv om fjernmøte kan vera praktisk og «lettvinnt», er vurderinga til rådmannen at hovudprinsippet i kommunen bør vera at møte i folkevalde organ blir haldne som fysiske møte. Det går fram av § 11-5 i kommunelova at alle har rett til å vera til stades i møte i folkevalde organ. Sjølv om dette vilkåret kan oppfyllest også ved fjernmøte (dersom fjernmøtet blir overført på internett eller publikum får tilgang til sjølv Teams-møtet/tilsvarande), vil det truleg vera noko som «går tapt» ved fjernmøte i forhold til ved fysiske møte. Dette vil truleg gjelda både for møtedeltakarane og publikum.

For dei folkevalde organa som overfører møta på internett, vil publikum ha tilgang til møta sjølv om dei blir haldne som fjernmøte. Ved fjernmøte i andre organ (som ikkje overfører møta sine på internett) vil det sjølvstykke kunne opnast for Teams-lenke/tilsvarande til møtet blir offentleggjort på kommunen sine nettsider. Dette vil likevel kanskje ikkje vera ei uproblematisk løysing, fordi andre enn møtedeltakarane då vil vera inne i det digitale møtet.

I koronaperioden har det vorte gjennomført ein del fjernmøte i folkevalde organ i Samnanger. I 2022 har det også vorte gjennomført fjernmøte utan at det har vore smittevernmessig behov for dette. Samfunnsutviklinga med aukande digitalisering tilseier at fjernmøte truleg vil bli meir og meir aktuelt, og det vil truleg vera fornuftig å ha opning for denne møteforma i Samnanger.

Konsekvensar:

Valet av ordning i denne saka vil ha minimale økonomiske konsekvensar.

Ved gjennomføring av fjernmøte, er det viktig å unngå at konsekvensen blir at publikum ikkje har tilgang til møtet. Utvalsleiaren, saman med rådmannen, bør ha ansvar for å sørge for at publikum får tilgang også til fjernmøte som ikkje blir overførte på internett.

Konklusjon:

Rådmannen tilrår at det blir innført permanent ordning med høve til fjernmøte for folkevalde organ i kommunen. Den mellomlange ordninga som kommunestyret vedtok 02.12.2021 bør vidareførast med nokre justeringar. Hovudprinsippet i kommunen bør framleis vera at møte i folkevalde organ skal haldast som fysiske møte.



SAKSFRAMLEGG

Sakshandsamar: Karina Liøen Frøland	Arkivkode: FE-233, FA-D10
Arkivsaksnr: 20/497	Løpenr: 22/8881
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Naturutvalet	22.11.2022	027/2022
Kommunestyret	08.12.2022	082/2022

Prioritering av spelemiddelsøknadar 2022

22.11.2022 Naturutvalet:

Handsaming i møtet:

Rådmannen sitt framlegg vart samrøystes vedteke.

NAT- 027/2022 Vedtak:

Samnanger kommune prioriterer søknader om spelemidlar til nærmiljøanlegg som følgjande:

1. Aktivitetspark med lys i Bjørkheim sentrum

Rådmannen sitt framlegg til vedtak:

Samnanger kommune prioriterer søknader om spelemidlar til nærmiljøanlegg som følgjande:

1. Aktivitetspark med lys i Bjørkheim sentrum

Dokument som ikkje er vedlagt:

Bestemmelser om tilskudd til anlegg for idrett og fysisk aktivitet -2022

Søknader

Kva saka gjeld:

I 2022 er det kome inn to søknader om spelemidlar.

Søknader om spelemidlar skal i fyrste omgang prioriterast politisk i kommunane. Deretter skal søknadane sendast vidare til fylkeskommunen for endeleg vedtak, i prioritert rekkefølge.

Kommunen skal sette opp ei oversikt over søknadane i to søknadsgrupper:

- Ordinære anlegg

· Nærmiljøanlegg

Ordinære anlegg vert definert som anlegg for organisert og eigenorganisert idrett og fysisk aktivitet. Nærmiljøanlegg vert definert som anlegg eller område for eigenorganisert fysisk aktivitet, som ligg i tilknytning til bu-og/eller opphaldsområde. Nærmiljøanlegg er berre utandørsanlegg.

Frist for kommunen å sende søknadane til fylkeskommunen er 15. januar 2023.

I år er det kun kome søknadar på nærmiljøanlegg;

Samnanger kommune søkjer om tilskot til aktivitetspark i Bjørkheim sentrum og Rolvsvåg ungdomslag søkjer om tilskot til ballbinge.

Aktivitetspark med lys i Bjørkheim sentrum

Bjørkheim sentrum har grøntområde, men få tilbod om uteaktivitetar.

Samnanger Lokalsamfunnsforeining, som driv bruktbutikken på Bjørkheim, er med i LivOGLyst, eit lokalsamfunnsprosjekt, og har utført ei spørjeundersøking blant innbyggjarane om kva dei saknar i kommunen. I den forbindelse kom utetreningsapparat høgt på ønskelista.

Foreininga har fått tildelt midlar til utetreningsapparat med kr. 135.000,- frå fleire stiftelsar.

I kommunen sin søknad om spelemidlar, har dei sett desse midlane til disposisjon som eigenandel. For å få tildelt midlar i denne ordninga, må eigenandelen vera på 50 % av totalkostnadane i prosjektet.

Ballbinge i Rolvsvåg

Søknaden frå Rolvsvåg ungdomslag manglar ein del dokumentasjon for at kommunen skal kunne behandla denne. I tillegg manglar laget 50% eigenandel.

Kulturkontoret har gjeve veiledning om vilkåra og dokumentasjonen som manglar for å få søknaden komplett. Ungdomslaget har uttalt at dei avsluttar søknadsprosessen, og tar sikte på å heller søkja neste år. Denne søknaden blir difor ikkje med på prioriteringslista til kommunen i år.

Vurderingar og konsekvensar:

Å leggja til rette for meir fysisk aktivitet i sentrumsområdet på Bjørkheim, vil fremja folkehelsa.

Utetreningsapparat kan tilpassast til, og nyttast av både unge, eldre og menneske med nedsett funksjonsevne. Dette vil gje moglegheit for meir uorganisert eigentrening og fysisk utfoldelse til alle grupper.

Frisklivscentralen har faste treningsgrupper utanfor biblioteket, og vil også kunna nytta apparata i si trening.

Grøntområdet i sentrum har ikkje belysning, og dette er eit stort behov å få på plass, slik at innbyggjarane kan nytta området også på kveldstid.

I høve til økonomi, så er dette ein ekstraintekt for kommunen, som kan brukast på eit særskilt positivt tiltak. Og dette utan at det medfører kostnader for kommunen. Det gjev rett og slett ei dobling av summen på 135.000,- som Samnanger Lokalsamfunnsforeining har gjeve kommunen til disposisjon.

Tiltaket omfattar den eksisterande eigenfinansieringa på 135 000,- og eventuell tilleggsløyving frå fylkeskommunen. Dette tiltaket vil verte gjennomført på grøntområde på Bjørkheim, i tråd med eksisterande planar og utan at det kjem i konflikt med andre tiltak og planar i same område.

For å kunne søka om spelemidlar til ordinære anlegg er det ein føresetnad at anlegget er del av ein vedteken kommunal plan som omfattar idrett og fysisk aktivitet. For nærmiljøanlegg derimot omfattar vilkåret berre anlegg med ei kostnadsramme på over kr 600 000. Kostnadsramma er ikkje over 600.000,- i dette tilfellet.

Å utvikla grøntområdet i Bjørkheim sentrum til aktivitetspark er ikkje nevnt i *Kommunedelplanen for idrett, fysisk aktivitet og friluftsliv 2014-2024*, men vil bli tatt med ved ny rullering av planen.

Prioriteringa av spelemiddelsøknader skal vurderast ut frå kva for eit anlegg det er mest behov for.

Bestemmelser om tilskudd til anlegg for idrett og fysisk aktivitet 2022 gjer ei oversikt over vilkår for å motta støtte frå ordninga. Kommunen si oppgåve er å sjå til at vilkåra er oppfylt, og gjera ei politisk prioritering av søknadane, før dei vert sendt vidare til Vestland fylkeskommune.

På grunn av stort etterslep i Vestland fylke vil ikkje tiltaka få prioritet før søknaden har vore fremja i tre år. Det er som regel få søknader å prioritera mellom i Samnanger. Det gjer at det vert naturleg å ha ei «kø-ordning», kor dei som søker på andre året etc. vert prioritert før nye søknader. Det er fyrste året det blir søkt midlar til Bjørkheim park.

Alle anlegg som får godkjent søknaden sin av Vestland fylkeskommune vil til slutt få spelemidlar, men det kan ta fleire år.